

外科正宗

三

醫學大成第八集

外科類甲  
外科叢刊之一

徐評

外科正宗

三

上海大東書局印行

徐評外科正宗

明 崇川 陳寶功 著  
清 海寧 許辛木 訂  
清 吳江 徐靈胎 評  
鄞縣 曹炳章 校

卷五

瘰癧論

夫瘰癧者。有風毒熱毒氣毒之異。又有瘰癧筋癧痰癧之殊。風毒者。外受風寒。伏於經絡。其患先寒後熱。結核浮腫。熱毒者。天時亢熱。暑中三陽。或內食粱厚味。釀結成患。色紅微熱。結核堅腫。氣毒者。四時殺厲之氣。感冒而成。其患耳項胸腋。驟成腫塊。令人寒熱頭眩。項強作痛。瘰癧者。累累如貫珠。連接三五枚。此不作寒熱。其患得於誤食蟲蟻鼠殘不潔之物。及宿茶陳水。或內有汗液。其患先小後大。

初不覺疼。久方知痛。筋癭者。憂愁思慮。暴怒傷肝。蓋肝主筋。故令筋縮。結蓄成核。生於項側筋間。形如棋子。堅硬大小不一。或陷或凸。久則虛羸。多生寒熱。勞怒則甚。痰癭者。飲食冷熱不調。饑飽喜怒不常。多致脾氣不能傳運。遂成痰結。初起如梅如李。生及徧身。久則微紅。後必潰破。易於收斂。凡觀此症。分別施治。風毒者。散其風。除其溼。如防風解毒湯之類是也。熱毒者。清其脾。瀉其熱。連翹消毒飲之類是也。氣毒者。調其血。和其氣。藿香正氣散之類是也。瘰癧者。散其堅。和其血。散腫潰堅湯之類是也。筋癭者。清其肝。解其鬱。柴胡清肝湯之類是也。痰癭者。豁其痰。行其氣。芩連二陳湯之類是也。又有寡婦尼僧。鰥夫庶妾。志不得發。思不得遂。積想在心。過傷精力。此勞中所得者。往往有之。最爲難治。宜先養心血。次開鬱結。益腎安神。疎肝快膈。如歸脾湯。益氣養榮湯。俱加香附。青皮。山梔。貝母。木香之類是也。又男人不宜太陽青筋。潮熱咳嗽。自汗盜汗。女人又忌眼內紅絲。經閉骨蒸。五心煩熱。男婦有此。後必變爲癆瘵難治之症。體實者。初起可服散腫潰堅攻利之藥。得效者。十中三四。有不察虛實。盡劑追伐。損傷元氣。致成壞病者。十有八九。此非患者之命。自由誤於醫人之手。予常治初起成核。服前藥未效者。用針刺核內。

深入三四分。用冰蠟散。搥成條。插入核內。糊紙封上。待至二七後。核子自然落出。隨用紅黑二膏搽貼。內服補劑。不久便愈。常見有用斑蝥、牽牛、巴霜、大黃等藥。追蝕。多致危亡。切宜戒之。

徐曰。此篇論甚詳備。

又曰。實症結痰。乃可用冰蠟散。此方本治此症之藥也。

楣案。實症結痰。用冰蠟散。不若用余所製消核膏爲較妥。仍須內服子龍丸。控

涎丹方見卷二  
消核膏方見後

### 癰疔瘰癧看法

初起核高腫痛。色紅軟活。微作寒熱。肩項不強者順。已成根不堅硬。內無小核叢生。脾健氣血不衰者順。已潰膿稠。肉色紅活。核腫漸消。肩項自便。漸斂者順。潰後易消易斂。氣體平和。胸膈寬利。飲食知味者順。未成形體消瘦。寒熱往來。結核頑硬。痰嗽相兼者險。已成核堅。連續如珠。大小不等。項強筋急。脈虛者險。已潰膿水清稀。肌肉消鑠。自汗盜汗。寒熱不睡者逆。潰後陰虛。煩躁作渴。大便泄。小便秘。男

子骨蒸。女人經閉。俱逆。  
徐曰。看法與別症同。

### 瘰癧治法

初起腫痛。憎寒壯熱。四肢拘急。項強頭眩者。表散之。腫硬發熱。便利口乾。胸膈不利。惡心脈實者。宜利之。膏粱厚味。醇酒積熱。溼痰凝結而成者。宜化痰降火清中。憂思過度。鬱怒傷肝。筋縮結核者。宜養血開鬱。疎肝。房慾勞傷。陰虛晡熱。自汗咳嗽。形體消瘦者。滋腎健脾。失利亡名。懷抱鬱結。積想在心。所如不得。乖隔陰陽。虛熬歲月而得者。精血俱傷。先養正氣。次治標病。堅而不潰。腐而潰之。潰而不斂。補而斂之。皆活法也。

### 瘰癧治驗

一男人項核腫痛。拘急惡寒。用荆防敗毒散二劑。表症悉退。餘核不消。用散腫潰堅湯加川芎。香附。貝母十餘服。其核漸消。外以琥珀膏貼之。月餘而安。

一男子仲冬渡江。暴冒霧氣。又值驚恐。次日寒熱交作。頭面耳項俱腫。先用藿香正氣散二服。寒熱即止。面腫漸消。惟項間堅腫不退。紅掀作痛。此毒聚必欲作膿。仍用正氣散加芎歸。阜刺數服。候膿熟針之。腫痛頓退。又用十全大補湯。脾健肌生完口。

徐曰。此風痰之毒。只宜內消。亦不必用十全大補湯。

一婦孀居六載。子幼未立。憂鬱成核已半年。兼經水不調。寒熱交作。形體消瘦。脈亦弦數。此勞傷氣血。肝火妄動而成。所謂損者益之。不可用追蝕之藥。損而復損。先用逍遙散加香附、牡丹皮、貝母。和其血脈。疎其肝氣。寒熱盡退。次用益氣養榮湯。服至月餘。氣血漸復。經事漸調。元氣漸醒。外用火針。徐曰不必核上點破四孔。用黃線藥插入五六次。以上九字徐勒候至孔大。換用冰蠅散。搽核上封之。至十三日外。其核自落。外搽玉紅膏。生肌收斂。內服人參養榮湯。加香附、木香。三十餘劑。其口自完。此婦慎起居忘七情戒口味。盡調理。故可得愈。否則必不能矣。

一室女年十七。因父擇壻未遂。耽至二旬。懷抱鬱久。項生數核。堅硬如石。此肝經凝結筋縮之病也。兼經水斷絕。寒熱如瘧。咳嗽脈數。惟不顯紅。此陰虛火動。已

成勞瘵症也。非藥能愈。視其形狀。喜無敗色。余曰。欲治此病。當先治其心。父問曰。何藥治心。余曰。非藥也。易曰。天地絪縕。萬物化醇。男女構精。萬物化生。此天地男女生成化育之道也。斯病起於孤陰寡陽。不生不化。所謂逆理之病。由於女大失配。是謂當至而不至。漸成失度之候。此句其病不生而自生。故藥不能挽回。必得陰陽和而雨澤降。此句夫婦和而家道成。斯時方可用藥。其父始悟。隨即擇嫁。三月後。復請余視。前症稍定。先用逍遙散加香附、青皮、山梔、丹皮。貝母十餘劑。開鬱疎肝。寒熱漸止。次以人參養榮湯加丹皮、紅花。通其血脈。使心血易生。容顏稍澤。又用益氣養榮湯倍參朮。徐曰不必培助脾胃。增進飲食。間用歸脾湯加麥冬、五味、遠志、沙參。收斂神氣。寬慰性情。又製參朮地黃膏。服至半年。精神頓復。經事亦通。惟核不能全退。用火針點破一核。火針點破四字徐勸琥珀膏貼之。漸腐爲膿。又兩月而得收斂。尙有三核。亦漸針漸潰。漸斂。首尾純用補脾開鬱藥。調理一年。始得全愈。

徐曰。室女患此者。嫁後卽愈。十居五六。此人竟能知之。奇哉。

一 男子年近三十。項生數核。面白神疲。皮粗脈數。此元氣受傷之症。先當補養氣。



血待根本壯實。再治其瘡。隨用養榮健脾藥十餘劑。未效。彼以爲緩。徐曰此等又爲方士所惑。冀圖內消。自服斑蝥、巴、麝之藥。徐曰自淋瀝不已。更增虛熱。飲食減少。又復請視。形色已敗。辭而不治。又請內科強投扶助降火之藥。終不應而死。

一婦壯年性急。夫蕩不爲家。左項生核。半載。漸至雞卵大。堅硬如石。皮外紅絲纏繞。左右脈俱弦數。弦屬肝火妄動。數乃脾熱之甚。徐曰此本不治之症。以後半得法尙難收。功況誤治乎。先用梔子清肝湯平伐肝木。五服而脈始平。又用清肝解鬱湯數服。散其鬱結。次用益氣養榮湯調其氣血。間服散腫潰堅湯。軟其堅腫。外以琥珀膏貼之。調理百日。元氣乃復。堅硬已消。八九。只存小核。彼以爲愈。止不服藥。後一載。因夫賭訟未勝。暴急驚恐。前腫復作。兩手脈細而多數。此陰血虧損。陽火乘之。非前之餘症也。又兼胸膈不利。飲食無味。經水先期過多。形容憔悴。不澤。此神傷於思慮。則肉脫。意傷於憂愁。則肢廢。魂傷於悲哀。則筋攣。魄傷於喜樂。則皮槁。志傷於暴怒。則腰脊不能俯仰。以上俱七情內損症也。法當滋養氣血。調和脾胃。益腎清心。開鬱散滯。庶保無虞。彼不肯信。仍欲服散腫潰堅之藥。

并灸腫處以圖內消。余辭不治。彼請客醫仍服前藥。灸腫處。并灸肘尖。真氣虛而益虛。邪氣實而益實。反加發熱自汗。咳嗽項強。四肢不收。灸瘡無膿。血水不絕。腫亦熾盛。致成臟腑已損之候。又傳為氣急聲啞。痰血交出而歿。余嘗見病家及庸醫不辨虛實。妄行用藥。多致不救。所當猛省。摺案中間引成語為文。其實此症無喜樂。

### 癩癰土土治方

#### 防風解毒湯

防風解毒湯。荆芥。半蒺。連翹。草石膏。薄荷。枳殼。芎蒼朮。知母。燈心。共可消。治風毒癩癰。寒暑不調。勞傷。痿襲。多致手足少陽分。耳項結腫。或外寒內熱。痰凝氣滯者。

防風

荆芥

桔梗

牛蒡子

連翹

甘草

石膏

薄荷

枳殼

川芎

蒼朮

知母

各一錢

水二茶鍾。燈心二十根。煎八分。食後服。

徐曰。此風痰之方。

### 連翹消毒飲

連翹消毒飲。陳皮。甘桔。元參。芩。芍。歸。梔。葛。麝。干。花粉。等。紅花。還與大黃。隨。治熱毒瘰癧。過食炙博醇酒膏粱。以致蘊熱。腮項成核。或天行亢熱。溼痰作腫。不能轉側者。

連翹

陳皮

桔梗

元參

黃芩

赤芍

當歸

山梔

葛根

麝干

天花粉

紅花各一錢

甘草五分

大黃初起便燥者加之

水二茶鍾。煎八分。食後服。有痰者加竹茹一錢。

徐曰。此方通治之藥。

### 加味藿香散

加味藿香散。甘桔。青陳。柴蘇。半夏。及。朮。苓。白芷。附。朴。芎。夏。枯。草。效。爲。君。說。

治氣毒瘰癧。外受風邪。內傷氣鬱。以致頸項作腫。肩膊強痛。四肢不舒。寒熱如瘧。及胸膈不利。

藿香

甘草

桔梗

青皮

陳皮

柴胡

紫蘇

半夏

白朮

茯苓

白芷

厚朴

川芎

香附

夏枯草各等分

薑三片。棗二枚。水二茶鍾。煎八分。食遠服。

滋榮散堅湯

滋榮散堅四物湯。甘桔參苓海粉當。陳朮升麻香附貝。紅花昆布共煎嘗。治一切瘰癧。憂抑所傷。氣血不足。形體瘦弱。潮熱咳嗽。堅硬腫痛。無分新久。但未穿潰者。並效。

川芎

當歸

白芍

生地

陳皮

茯苓

桔梗

白朮

香附各一錢

甘草

海粉

貝母

人參

昆

布各五

升麻

紅

花各三

水二茶鍾。薑三片。棗二枚。煎八分。食遠服。身熱。加柴胡、黃芩。自汗盜汗。去升、麻。倍人參、黃耆。飲食無味。加藿香、砂仁。食而不化。加山查、麥芽。胸膈痞悶。加澤瀉、木香。咳嗽痰氣不清。加杏仁、麥冬。口乾作渴。加知母、五味子。睡臥不寧。加黃柏、遠志、棗仁。驚悸健忘。加茯神、石菖蒲。有汗惡寒。加薄荷、半夏。無汗惡寒。加茅朮、藿香。女人經事不調。加延胡索、牡丹皮。腹脹不寬。加厚朴、大腹皮。

徐曰。此等方藥味。雖與療癰頗切。然雜亂無章。毫無主意。凡外科之方。往往如此。皆因習外科之人。不甚讀書。祇記某藥能治某病。因而湊合。互相傳習。所以全無法度。學外科者宜知之。

### 益氣養榮湯

益氣養榮湯。朮者。參、苓、陳、貝、附、歸、宜、芎、芍、桔、甘、兼、熟、地。勞傷癰瘰。大堪施。治抑鬱。抑鬱二字徐勣或勞傷氣血。或四肢頸項筋縮。結成累累。如貫珠者。謂之筋癰。此皆由思慮太過。神氣受傷。乃勞中所得也。其患或軟或硬。或赤或不赤。或痛或不痛。或日晡發熱。或潰而不斂者是。

人參

茯苓

陳皮

貝母

香附

當歸

川芎

黃耆

熟地

白芍

甘草

桔梗

白朮二錢

各一錢

各五分

薑三片。棗二枚。水二茶鍾。煎八分。食遠服。

徐曰。此潰後補劑。其藥亦不外諸味。

如胸膈痞悶。加枳殼、木香、飲食不甘。暫加厚朴、蒼朮。往來寒熱。加柴胡、地骨皮。膿潰作渴。倍參、耆、歸、朮。膿多或清。倍當歸、川芎。脇下痛或痞。加青皮、木香。肌肉生遲。加白朮、肉桂。痰多加半夏、橘紅。口乾。加麥門冬、五味子。發熱。加柴胡、黃芩。渴不止。加知母、赤小豆。膿不止。倍加人參、黃耆、當歸。潰後反痛。加熟附子、沉香。虛煩不睡者。倍人參、熟地、遠志、棗仁。

芩連二陳湯

芩連二陳湯。半夏。枯草。連翹。花粉。苓。牛蒡。木香。兼甘。桔。消痰散核。效如神。

治痰癭生於少陽部分。項側結核。外皮漫腫。色紅微熱。或至缺盆高骨上下發。

腫。形長堅硬作痛。名曰馬刀。初起並宜服此。已成氣弱者不宜。

黃芩

黃連

陳皮

茯苓

半夏

甘草

桔梗

天花粉

牛蒡子

連翹

木香

夏枯草

薑三片。水二茶鍾。煎八分。食後服。渣再煎。臨睡服。

徐曰。此方重前諸方。

### 散腫潰堅湯

散腫潰堅芩芍歸。升柴膽草葛根隨。知翹連柏三棱朮。昆桔甘花粉莫遺。

治癰癰馬刀。堅硬如石。或在耳下。或至缺盆。或在肩上。或至脅下。皆手足少陽經症。又發於下頰。或至頰車。堅而不潰。或已破流膿。又屬足陽明症也。此方治有餘之症效多。不足之症效少。

黃芩

白芍

當歸

龍膽草

桔梗

知母

黃柏

天花粉

昆布

連翹

葛根

炙甘草

黃連

三

棧酒拌炒

莪

莖各三分

柴

胡四分

升麻三分

水二茶鍾煎八分。食後服。臨服入酒一小杯亦效。此藥可為末。煉蜜為丸。桐子大。每服八十九。即散腫潰堅丸。治症同前。臨睡食後。俱白滾湯下。

徐曰。此方亦重。

升麻散堅湯

升麻散堅湯。甘草。莪莖。三棧。陳桔連。葛根。龍膽。夏枯粉。芎芎。歸。翹。芩。共煎。治瘰癧。繞頸。或至頰車。屬足陽明。核深陷隱。曲肉底。又屬足少陰。俱作腫塊。堅硬。大小不一。

升麻

甘草

莪莖

三棧

陳皮

桔梗

黃連

龍膽草

葛根

川芎

白芍

夏枯草

連翹

黃芩

當歸各五分

天花粉有痰加

水二茶鍾煎八分。食後熱服。再用上藥加倍為末。蜜丸。綠豆大。每百丸。黃酒臨



睡服。頭不枕更妙。

徐曰。義重前方。

### 夏枯草湯

夏枯草湯歸朮陳。桔甘生地貝母芩。香附柴胡白芷芍。加上紅花效若神。  
治瘰癧馬刀。不問已潰未潰。或已潰日久成漏。形體消瘦。飲食不甘。寒熱如瘧。  
漸成勞瘵。並效。

夏枯草二錢

當歸三錢

白朮

茯苓

桔梗

陳皮

生地

柴胡

甘草

貝母

香附

白芍

各一錢

白芷

紅花各三分

先用夏枯草水三碗。煎至二碗。濾清。同藥煎至八分。食後服。將藥渣同前夏枯草渣共再煎六七分。臨臥時入酒半小鍾和服。宜食淡味物件。

徐曰。此亦此症之主劑。

### 活血化堅湯

活血化堅湯。朴芷芎歸貝芎角刺是。蠶防桔粉陳皮草。乳香靈脂銀花使。治一切瘰癧。及癭瘤痰核。初起未潰膿者。

防風

赤芍

歸尾

天花粉

金銀花

貝母

川芎

角刺

桔梗

各一錢

僵蠶

厚朴

五靈脂

陳皮

甘草

乳香

白芷

各五分

水二茶鍾煎八分。臨服用酒一小杯。食後服。

徐曰。義重前方。不必存。

逍遙散

逍遙散。當歸芍藥。茯苓香附。共柴胡。丹皮薄荷甘草朮。婦女之病。效可圖。

治婦人血虛。五心煩熱。肢體疼痛。頭目昏重。心忡頰赤。口燥咽乾。發熱盜汗。食少嗜臥。及血熱相搏。月水不調。臍腹作痛。寒熱如瘧。及治室女血弱。榮衛不調。

痰嗽潮熱。肌體羸瘦。漸成骨蒸。

當歸

白芍

茯苓

白朮

柴胡錢各一 香附八分 丹皮七分 甘草六分

薄荷 黃芩有熱加各五分

水二茶鍾煎八分。食遠服。有寒加薑三片。棗二枚。

徐曰。此通治疎肝之方。

通治癰癧方

通治癰癧方。陳朮。柴桔芎歸芩芍翹。芩芷蘆香夏枯草。甘草半夏附功饒。治癰癧不分新久表裏虛實。及諸痰結核。並效。

陳皮 白朮 柴胡 桔梗

川芎 當歸 白芍 連翹

茯苓 香附醋炒 夏枯草 黃芩各錢一

蘆香 半夏 白芷 甘草各五分

薑三片。水二茶鍾。煎八分。入酒一小杯。臨睡時服。

徐曰。諸方不出此。隨症加減可也。

芎歸養榮湯

芎歸養榮湯者。參芎砂仁熟地黃。五味茯神丹遠志。麥冬甘草共煎嘗。治癰癰流注。及一切不足之症。不作膿。或不潰。或已潰不斂。或身體發熱惡寒。肌肉消瘦。飲食少思。睡臥不寧。盜汗自汗。驚悸恍惚。

歸身二錢

人參

黃耆

白朮

川芎

白芍

熟地錢一

五味子

麥冬

遠志

甘草

茯苓各五分

牡丹皮

砂仁各三分

水二茶鍾。薑三片。棗二枚。煎八分。食遠服。

徐曰。重出。

冰蠶散

冰蠶散內用田螺。白砒將來紙麵糊。龍腦礪砂為細末。總將津拌患頭塗。治癰癰日久。堅核不消。及服煎藥不效者。用此點落癰核。如馬刀根大面小。及失榮等症。忌用。

大田螺五枚去殼日中線穿晒乾

白砒一錢二分 冰片一分

硃砂二分

用晒乾螺肉切片。同煨熟白砥碾爲細末。加硃片再碾。小罐密收。凡用時。先用艾炷灸核上七壯。次後灸瘡起。泡以小針挑破。將前藥一二釐津唾調成餅。貼灸頂上。用綿紙以厚糊封貼核上。勿動。七日後。四邊裂縫。再七日。其核自落。換搽玉紅膏。內服補藥。兼助完口。此藥又治癭瘤患大蒂小。及諸般高突異形難狀者。

徐曰。點去惡肉。亦不可少。但不可輕試惡毒之肉。乃爲合宜。

### 紫霞膏

紫霞膏品不多般。銅綠松香一處攢。煎入麻油如紫漆。百般頑症貼當安。治癰癰初起。未成者。貼之自消。已成未潰者。貼之自潰。已潰核存者。貼之自脫。及治諸色頑瘡。癰瘡。溼痰。溼氣。新久棒瘡。疼痛不已者。

明淨松香

淨末一斤

銅

綠

淨末二兩

用麻油四兩。銅鍋內先熬至滴水不散。方下松香熬化。次下銅綠。熬至白烟將盡。其膏已成。候片時。傾入瓷罐。用時湯內頓化。旋攤旋貼。

徐曰。方極和平。即千槌膏之祖方也。  
又曰。此方單重銅綠一味。方簡而意深。

### 琥珀膏

琥珀膏內桂防歸。松脂硃砂木鼈陪。丁木二香草麻子。木通白芷共相隨。  
治療癰。及腋下初如梅子。結腫硬強。漸若連珠。不消不潰。或潰後膿水不絕。經久不瘥。漸成漏症。

琥珀一兩

木通

桂心

當歸

白芷

防風

松脂

硃砂

木鼈肉

草麻仁各五錢

丁香

木香各二錢

麻油二兩

黃丹飛炒十兩

先用琥珀、丁香、桂心、硃砂、木香為細末。其餘切片浸油內七日。入鍋內。慢火熬至羣藥焦黃為度。絹濾淨油。徐下黃丹。以柳枝手攪。候至膏成。滴入水中。軟硬得中。掇下鍋來。以盆頓穩。攪至烟盡。方下末藥攪勻。瓷器盛之。臨時取少許攤貼。

# 大紅膏

大紅膏用竭銀硃。硝石樟冰相與俱。輕粉南星併石礮。乳香貓骨醋調塗。治癰癧痰核結塊。不分新久。但未穿破者。

南星二兩

銀硃

血竭

硝石

樟

腦錢各三

輕粉

乳香錢各二

貓頭骨一具煨

石

灰一兩用大黃二錢切片同炒石灰紅色去大黃

右共為細末。陳米醋熬稠。調藥敷核。三日一換。敷後皮嫩微損者。另換紫霞膏貼之。其核自消。

楣案銀硃、貓頭骨、石灰、徐圈。

# 火針法

火針之法獨稱雄。破核消痰立大功。燈草桐油相協力。當頭一點核無蹤。治癰癧痰核生於項間。初起堅硬。或如梅李。結聚不散。宜用此法針之。指藥易消。用縫衣大針二條。將竹筯頭劈開。以針雙夾縫內。相離一分許。用線紮定。先將桐油一盞。用燈草六七根。油內排勻點著。將針燒紅。用手指將核捏起。用針

當頂刺入四五分。核大者再針數孔亦妙。核內或痰或血。隨卽流出。候盡。以膏蓋之。次日針孔必漸作膿。輕者用黃線藥插之。核堅硬者用冰蠟散糊打成條。曬乾插之。外以糊紙二重封固。次日其核發腫作痛不妨。乃藥氣攻入於內。又至七日外。自然核外裂開大縫。再至七日。其核自落。葱湯洗淨。換用玉紅膏搽入。外以膏蓋。內服益氣養榮湯。或十全大補湯加香附。兼戒勞動。氣惱房事。發物煎炒海腥等件。

徐曰。強實人方可用。

又曰。此方治獨脚頑癧或可用。

### 三品一條槍

三品一條槍最靈。明礬白信煨成精。加上乳雄爲線藥。疔疽癧漏盡堪平。

上品錠子去十八種痔。中品錠子去五漏翻花癭瘤氣核。下品錠子治瘰癧疔瘡發背腦疽等症。此爲古之三品錠子。但藥同而分兩不同。故治病有分別。今方名三品一條槍。隨症可用。藥品又簡易而不繁。

此句  
徐勸

此句

徐勸凡同志者隨試而用之。



明礬二兩 白礬五兩 雄黃四分 乳香二分

礬二味。共爲細末。入小罐內。加炭火煨紅。青烟已盡。旋起白烟。約片時。上下紅徹。住火。取罐頓地上。一宿取出。約有礬礬淨末一兩。加入雄黃乳香。共研極細。厚糊調稠。搓成如線條陰乾。凡遇前症。有孔者。插入孔內。無孔者。先用針放孔竅。早晚插藥二次。自有孔以下二字徐勣插至三日後。孔大者。每插十餘條。插至七日。孔大者以下徐勣患孔藥條滿足。方住。以後所患四邊。自然裂開大縫。共至十四日。前後。其疔核癰癰痔漏諸管。自然落下。隨用湯洗。搽上玉紅膏。虛者兼服健脾之藥。

徐曰。此治惡毒頑瘡。間有可用。近日庸醫。不論何瘡。俱用此法。殺人無算。深爲可恨。製方之人。原只用以治不知痛痒之瘡。及死肌頑肉。誰知後世惡人。竟視爲必用之品。不得不歸咎於作俑者也。

楣案徐於此方之上加×。又字字旁×。垂戒深矣。

### 癰癰酒藥方

治年久癰癰結核。串至滿項頑硬不穿破者。

鶴蝨草 半觔

忍冬藤 六兩

野蓬蒿 四兩

野菊花 四兩

五爪龍 三兩

馬鞭草 五錢

上藥切碎。用醇酒十五觔。將藥袋貯。懸於酒內。封好罐口。煮三炷香爲度。取起。水頓浸一伏時。初服盡。醉出汗爲效。已後隨便飲之。盡酒一料。病愈不發。

徐曰。此所謂草頭方也。藜藿之人。用之。竟有愈者。若體虛之人。用之。竟有大害。甚至於死。余見極多。所以患病之人。斷不可聽傳聞之方。而輕試也。

楣案瘰癧一症。內治固無速效之方。外治亦鮮良藥。不獨火針三品一條槍

不可用。卽所開琥珀膏。內有木鼈、葶麻仁。大紅膏有輕粉、石灰。皆毒藥。貼之

不能暗消。多致穿潰。全生集外治用化核膏。內治用控涎丹。全生集易名子龍丸余試

其膏。蘊熱重者。或反至紅腫。蓋內有木鼈、壁虎、蜘蛛等。亦毒藥也。偶聞人述

一名醫言。治疽當加入消痰藥。因悟各種結核。皆有痰氣。遂以控涎丹爲主。

加入麻黃一味。煎膏施貼。甚效。故友湯秀嵩。又加入數味。二十年來。求者甚

衆。初起貼之。卽消。年久者。可不再大。以貼乳核。及各種結核。無不其應如響。

因名爲消核膏。惟已潰者。不可貼。宜換用陽和解凝膏。陽和膏已於卷二附

錄今將消核膏錄後。

消核膏

製甘遂二兩

紅芽大戟二兩

白芥子八錢

麻黃四錢

生南星六錢

薑半夏六錢

僵蠶六錢

藤黃六錢

朴硝六錢

右用真麻油一斤。先投甘遂、南星、半夏、熬枯撈出。次下僵蠶。三下大戟、麻黃。四下白芥子。五下藤黃。逐次熬枯。先後撈出。六下朴硝。熬至不爆。用絹將油濾淨。再下鍋熬滾。徐徐投入炒透東丹。隨熬隨攪。下丹之多少。以膏之老嫩為度。夏宜稍老。冬宜稍嫩。膏成。趁熱傾入水盆中。扯拔數十次。以去火毒。即可攤貼。宜厚勿薄。此膏妙在不用毒烈之藥。雖好肉貼之無損。

楣案煎膏亦自有法。藥有堅脆。如同一同投入。則脆者先枯。其勢欲燃。不得不一同撈出。然堅者實未熬透。是銖兩雖多。而藥味反少矣。此方甘遂、南星、半夏最堅。故先下。僵蠶次之。大戟、麻黃又次之。麻黃尤脆。大戟熬至半枯時下。麻黃更妙。白芥子爆油。故又次之。藤黃多液而少渣。故又次之。朴硝無質。故

最後下。凡煎他膏亦當如此。

又案潰瘍諸膏皆不可太嫩。以貼之即黏。揭之易落爲度。攤時不可過厚。嫩而過厚。揭時非帶脫皮肉。即黏住皮肉。凡尋常熱癰。本可無疤。而或生妒肉。或如蟾鏡者。皆膏藥之過也。獨消核膏宜稍嫩。但令貼時勿焯塌而已。攤須極厚。蓋此膏本以代敷藥。嫩而厚。則藥氣沈浸醲郁而能深入。又皮肉如常。帶脫無慮。黏住可洗也。

又案諸書皆言藥油煎至滴水成珠。方下黃丹。余歷試知其不然。油至滴水成珠。則已過老。攤之如麵筋一般。無復黏性。不能再下黃丹矣。只須熬令濃黑。便可下丹。下丹最要耐性。不可貪多貪快。每次挑入少許。不住手攪。徐徐再加。以老嫩適可爲度。如此熬法。又黑又亮又光。其所以黑之功在久熬。亮之功在多攪。光之功在丹細而藥油濾淨也。滴水成珠四字。卽下丹亦不可泥。大抵膏淨水面。以兩指取丸不沾手。其膏已成。倘一滴便直下水底成珠。則膏已老矣。

又案癰癤治法。諸書皆不甚相遠。惟全生集特異。初起小塊皮色不異者。控

涎丹每服三分。淡薑湯送下。日服三次。至消乃止。小孩不能吞丸者。每日服  
小金丹一粒。服法詳卷二其已潰爛。間有成膿未潰者。亦有未成膿者。宜服  
犀黃丸。止其已潰之痛。鬆其成膿未潰之脹。消其未成膿之核。已成膿者。兼  
用咬頭膏穿之。日服溫補祛痰。通腠活血壯氣之劑。外貼陽和解凝膏。其延  
爛不堪至胸脇者。一日服洞天救苦丹。兩日服犀黃丸。凡九日。共服洞天丹  
三次。犀黃丸六次。皮色變白。孔內紅活。接服大棗丸。肌肉漸長。用生肌藥收  
功。其爛潰不堪。與內腑止隔一膜者。以山蓮散散糝之。奇功立見。尚有爛至咽  
喉者。用量指灸法。因原書敘述欠明白。故不錄。其治驗兩案。附錄方後。以備  
醫者參究。

### 洞天救苦丹

蜂

窠要露天  
有子者

雄鼠糞

兩頭尖  
者是

青皮

棟樹子

立冬後  
采者佳

右藥瓦上各炙存性。各研細末。稱準等分。研和。每服三錢。陳酒送下。醉蓋取汗。  
大棗丸

山羊屎

大棗

右將山羊屎晒乾。入鍋炒炭存性悶熄。磨粉收藏。遇久爛不堪。將見內腑者。以大棗去皮核。先搗爛如泥。然後酌量入前粉。搗至成丸。每服四錢。仍以黑棗湯送下。

山蓮散

山羊屎

大活鯽魚一尾 麝香一錢

右將鯽魚破腹去雜。以山羊屎塞實魚腹。瓦上慢火炙乾存性研末。加入麝香再研。瓷瓶固貯。勿泄氣。

附錄全生集治驗兩案

楓鎮閔姓年十七。頸患瘰癧。爛成片。延至耳腋及腰。如手掌大者數處。瘦弱成怯。初以洞天救苦丹與服。毒水大流。十日後。以陽和湯醒消丸。每日早晚各服一次。又十日。項能舒轉。飲食日增。接服大棗丸。始終用荊芥湯洗。以山蓮散敷。外貼陽和膏。凡九十日收功。因未服子龍。小金二丸。毒根未除。後腋生惡核。服子龍丸而消。

王姓媳頸患瘰癧數箇。兩腋惡核三箇。又大腿患一毒。不作疼癢。百餘日後。漸大

如斗。按之如石。皮現青筋。常作抽痛。經歷數醫。皆謂是瘤。余曰。瘤乃軟者。世無石硬之瘤。此石疽也。問可治否。答曰。初起時皆可消。日久發大。上現筋紋。雖按之如石。然其根下已成膿矣。抽痛卽有膿之證也。上現青筋者。內作黃漿可治。如上現小塊。高低如石巖者不治。三百日後。王大痛不潰而死。如現紅筋者。其內已通血。海不治。倘生斑點。卽自潰之證。潰卽放血。三日內斃。今所現青筋。醫令至軟爲半功。潰後膿漿濃厚。可收全功。乃以活商陸搗塗。內服陽和湯十日而抽痛止。十三劑裏外作癢。十六劑頂軟。十八劑周圍皆軟。其頸項之瘰癧。兩腋之惡核。盡行消散無蹤。止膿石疽。起立則內膿袋下。令服參一錢。再行開刀。因在筋絡之處。先以銀針刺穿。後以刀闊其口。以紙釘塞入孔內。次日兩次流水斗許。遂用大劑補托。千金內托散。刪去人參。倍增生耆。摺案千金內托散用人參生黃耆防風官桂白芷厚朴川芎桔梗生甘草共九味生耆倍增須用一連進十劑。相安已極。適有伊戚。亦業外科者。令其耆草皆炙。不三日。四圍發腫。內作疼痛。復延余治。仍令服前方耆草不炙。又服二十餘劑。外用陽和膏。隨其根盤貼滿。獨留患孔。加以布細綁。人問因何用膏貼。又加細綁。答曰。凡屬陰疽。外皮活。內膜生。故開刀傷膜。膜爛則死。所出之膿。在皮裏膜外。中似空銜。又不能以

生肌藥放入。故內服溫補滋陰活血之劑。外貼活血溫暖膏藥。加以細綁。使其皮膜相連。易於膿盡。且又易於連接生肌耳。果綁後數日。內膿濃厚。前方加參服兩月收功。

療癰應用方

玉紅膏

太乙膏

見腫瘍門

柴胡清肝湯

梔子清肝湯

見鬢疽門

荆防敗毒散

見時毒門

十全大補湯

歸脾湯

見潰瘍門

鬢疽論

夫鬢疽者。乃手少陽三焦相火妄動。又兼腎虧不能生水。或外受風熱所感。但此經多氣少血。肌肉相薄。凡有患最難腐潰。此皆起於情性急暴。房慾血虛。火動肝氣凝結而成。疽之初起。寒熱交作。頭眩痛徹太陽。甚則耳目連鬢通腫。治法不可妄用針灸。此句徐摠批曰。何必分陰陽表裏邪正虛實治之。庶不有誤。且如初見瘡時。多寒少熱。口乾作渴。好飲熱湯。六脈虛數無力。其患堅硬不掀痛。不潰無膿。



瘡根流散。此乃真氣虛而邪氣實也。治以托裏為主。消毒佐之。此二句如清肝養血湯。托裏消毒散之類是也。又如見症時。熱多寒少。頭眩作痛。口燥舌乾。渴欲飲冷。二便秘澀。六脈沈實有力。瘡亦掀腫疼痛。身體發熱。易腐易膿。根脚不開。此乃正氣實而邪氣虛也。邪氣虛三字徐勣治以消毒為主。托裏佐之。此二句如梔子清肝湯。鼠黏子湯之類是也。又有未見瘡時。先作渴症。或一年半載。然後發為鬚疽。其形色多紫黑。瘡多平陷。堅硬無膿。毒流耳項。又兼氣味不正。形容不澤。精神不明。飲食不進者。俱為不治。

徐曰。邪氣無虛之理。必實字之誤。經云。邪氣盛則實。正氣奪則虛。最為明曉。楣案正氣實而邪氣虛。蓋言正氣盛。邪不能勝耳。著書者筆下欠清。遂致辭不達意。

### 鬚疽看方法

初起無口乾。無寒熱。飲食有味。舉止如常者順。已成瘡頭腫起。根脚不散。形色紅活。掀痛潰膿者順。已潰膿稠。色鮮紅活。腫消痛止。項便頭輕口和者順。潰後瘀肉

易腐。新肉易生。瘡口易平。飲食有味者順。初起瘡頭如粟。頂軟不高。色紫根散。木痛食少者逆。已成瘡形紫黑。軟陷無膿。足冷身涼。便利脈虛者逆。已潰膿水清稀。氣息臭穢。壞肉不腐。新肉不生者逆。潰後飲食厭滄。身體發熱。口乾不眠。肉削皮粗者逆。

徐曰。此亦與諸症同法。

### 鬚上疽治法

初起掀腫堅硬。內熱口乾。脈數有力。邪實也。當利之。已成憎寒壯熱。四肢拘急。脈浮者。邪在表也。宜散之。赤腫作痛。血凝滯也。宜散血清肝。色黯漫腫。宜升陽助胃。已潰堅腫不退。脈細而數。日晡發熱者。宜滋陰健脾。肝膽怒火上攻。心煩作躁。腮顴紅熱者。宜抑陰降火。已潰膿清。腫痛尤甚。虛煩食少者。宜養氣血。健脾胃。潰後氣血俱虛。身涼脈細。大便多溏者。宜峻補溫中。潰後不斂。新肉生遲。瘡口淡白膿水不止。宜健中補脾。

徐曰。亦與諸瘡同。

# 鬢疽治驗

一男子患此三日。掀腫寒熱。脈浮數。服荆防敗毒散一劑。表症悉退。腫痛不減。已欲作膿。服托裏消毒散。膿潰。又服益氣養榮湯。加麥冬、五味。漸斂而愈。

一男子患此五日。頂高根若錢大。形色紅活。此肝經溼熱為患。用麻子大艾灸七壯。徐曰不服梔子清肝湯二劑。腫勢稍止。以蟾酥餅膏貼灸上。更用柴胡清肝湯。加白芷、黃耆、天花粉。數服。膿潰腫消。半月收斂。

徐曰。此極輕之症。

一男子渴疾三年。寒熱半月。自以為瘧。鬢間忽生一小瘡。三四日外。形如粟。瘡平堅硬。此四字色暗不澤。脈洪數而無力。此水竭火旺之症。終難潰斂。辭不敢治。另請他醫。以為易治。用針刺腫處。此五字去紫血鍾許。內服解毒藥。次日邊傍愈腫。醫謂腫高屬陽易治。其家懼悅。又三日。腮項俱腫。此四字口噤不食。用針又刺腫上。此六字徐批曰本是死症。行刺又速其死。日加昏憤。余曰。死將及矣。此症未病先作渴。腎水已竭。外形如粟。裏可容穀。形色紫黑。氣敗血衰。脈洪無力。元氣內敗。如此。

豈有不死者。凡二十一日而歿。

一男子腫掀五六日。彼欲內消。外敷涼藥。綠藥內服大黃泄氣等劑。掀腫雖退。乃

生寒熱。惡心乾嘔。肩膊牽強。診之脈數無力。此內虛毒氣入裏。涼藥之過也。此

密字徐東垣云。瘡疽之發。受之有內外之別。治之有寒溫之異。受之外者。法當托

裏以溫劑。反用寒藥攻利。損傷脾胃。多致內虛。使外毒乘虛入裏。受之內者。法

當疎利以寒劑。徐曰瘡癰總不宜寒反用溫劑托裏。使骨髓之毒。外徹皮毛。表

裏通潰。共為一瘡。助邪為毒。苦楚百倍。此八字徐密點輕則變重。重則死矣。前

症既出寒藥之過。投以托裏健中湯二服。嘔吐全止。又以十全大補湯加白芷

數服。而原瘡漸起。又以人參養榮湯間服。腐潰膿稠。兩月餘收功。

楣案徐批瘡癰總不宜寒。清涼疎表之品為妥。足與全生集相發明。

一婦人患此。腫硬掀痛寒熱口乾。脈洪大有力。此表裏俱實也。投以防風通聖散

一劑。便行二次。前症稍退。又一劑。大行數次。大行二字徐勒熱退渴止。惟原瘡腫硬。用

銀針點破。插入蟾酥條。此五字內服托裏消毒散。漸潰膿而安。

楣案徐勒大行二字。蓋表裏俱實。稍泄其裏。以疏表毒則可。若大行。則慮裏

虛而表陷也。前言瘡癰總不宜寒意亦如此。

一男子患此三四日。頂高根活。且無表裏之症。此肝經溼熱為患。用針挑破瘡頂。以蟾酥餅蓋貼。此十二字徐勣批曰用圍藥東內服加味道遙散。加皂角針數劑。頭出微膿。根腫亦消。

### 鬢疽主治方

#### 柴胡清肝湯

柴胡清肝芎歸黃芩梔子地黃隨。防風牛蒡天花粉。甘草連翹用亦宜。  
治鬢疽初起未成者。毋論陰陽表裏。俱可服之。

川芎

當歸

白芍

生地

柴胡

黃芩

山梔

天花粉

防風

牛蒡子

連翹

甘草節各一錢

水二茶鍾。煎八分。食遠服。

徐曰。此鬢疽主方。

楣案柴胡一味徐圜。

鼠黏子湯

鼠黏子湯。甘桔歸。赤芍連翹地骨皮。元參木通天花粉。防風大黃不可遺。  
治鬢疽初起。熱多寒少。頭眩作痛。口燥咽乾。渴常飲冷。二便秘澀。六脈沈實。有力。煩悶疼痛者。

鼠黏子

桔梗

當歸

甘草梢

赤芍

連翹

元參

地骨皮

天花粉

防風

木通

製大黃二錢

水二茶鍾。煎八分。食前服。

徐曰。同前。

加味逍遙散

加味逍遙。白朮苓。紅牡丹芍柴胡陳。當歸梔貝天花粉。甘草羚羊效更神。  
治鬢疽七日以上。根盤深硬。色紫掀痛者。

白朮

茯苓

牡丹皮

白芍

柴胡

陳皮

當歸

山梔

天花粉

貝母各八分

甘草

紅花

羚羊角各五分

水二茶鍾。淡竹葉二十片。煎八分。食後服。

徐曰。亦同前。

楣案。羯羊角。徐圈。

梔子清肝湯

梔子清肝湯。柴芎。牛蒡石膏芎當歸。黃連甘草丹皮等。火盛用之效最奇。治少陽經虛。肝火風熱上攻。遂成鬢疽。痛連頸項。胸乳太陽等處。或寒熱晡甚。胸滿口苦舌乾。

牛蒡子

柴胡

川芎

白芍

石膏

當歸

山梔

丹皮各一錢

黃芩

黃連

甘草各五分

水二茶鍾。煎八分。食後服。

徐曰。此治火盛者。餘藥俱同前。

清肝解鬱湯

清肝解鬱湯。芍歸。苓朮。梔柴。貝母。隨。人參。半夏。丹皮。附。川芎。熟地。草。陳宜。  
治暴怒傷肝。憂思鬱結。致肝火妄動。發為鬢疽。頭眩痛徹太陽。胸膈痞連兩脇。  
嘔酸水者。

當歸

白芍

茯苓

白朮

貝母

熟地

山梔各一錢

半夏

人參

柴胡

丹皮

陳皮

香附

川芎各六分

甘草四分

水二茶鍾。薑三片。煎八分。食遠服。

徐曰。方雜。

參苓內托散

參苓內托散。當歸。芍。苓。陳皮。白朮。隨。熟地。官桂。甘。山藥。附子。耆。丹。地。骨。皮。  
治疽鬢已成。堅而不潰。潰而不斂。氣血俱虛。身涼脈細。飲食少思。口淡無味。及



形體消瘦者。

歸身

黃耆

川芎

白芍

陳皮

白朮

山藥

熟地

茯苓

人參各一錢

甘草

肉桂

熟附子

丹皮

地骨皮各五分

薑三片。棗二枚。水二茶鍾煎八分。食遠服。

徐曰。此治虛寒之症。非治瘡。乃治本原也。亦須備用。

保安萬靈丹見腫瘍門

治鬢疽初起。憎寒壯熱。頭眩惡心。四肢拘急者。

鬢疽應用方

托裏消毒散見腫瘍門

荆防敗毒散見時毒門

蟾酥餅子見疔瘡門

人參養榮湯

托裏建中湯

益氣養榮湯

十全大補湯見潰瘍門

防風通聖散見時毒門

外科正宗 卷五 癰疽主治方

徐評外科正宗

明 崇川 陳寶功 著

清 海寧 許辛木 訂

清 吳江 徐靈胎 評

鄞縣 曹炳章 校

卷六

咽喉論

夫咽喉雖屬於肺。然症有虛火實火之分。緊喉慢喉之別。又咽爲心肺肝腎呼吸之門。飲食聲音吐納之道。關係一身。害人迅速。故曰走馬看咽喉。不待少頃也。虛火之症。色淡微腫。脈亦細微。小便清白。大便自利。此因思慮過多。中氣不足。脾氣不能中護。虛火易至上炎。其患先從咽。嗑乾燥。飲食妨礙。咳吐痰涎。呼吸不利。斑生苔蘚。壘若蝦皮。有如茅草。常刺喉中。又如硬物。嗑於咽下。嘔吐酸水。噦出甜涎。

甚則舌上白胎。脣生紫色。聲音雌啞。喘急多痰。以上皆是虛火。由元氣不足中來。不可誤投涼藥。此句徐圖上午痛者屬氣虛。補中益氣湯。此五字徐勸批加麥冬五味子。此二字徐勸曰必九牛蒡元參。午後痛者屬陰虛。四物湯加黃柏知母桔梗元參。如不敷。必加薑附以爲引導之用。此句徐批曰風火要引亦爲佐治之法也。治二字。實火之症。由於過飲醇酒。縱食膏粱。疊褥重衾。舖滄辛烈。多致熱積於中。久則火動痰生。發爲咽腫。甚者風痰上壅。咽門閉塞。少頃湯水不入。聲音不出。此爲喉閉。卽緊喉風是也。用藥不及事。先用針刺喉間。此句徐批發泄毒血。此句徐批見血者。隨用雞翎蘸桐油探吐稠痰。務使痰毒出盡。咽門得鬆。湯藥可入。語聲得出。乃止。內服清咽利膈湯。疎利餘毒。如牙關緊閉難入。必當先刺少商穴出血。此句徐圖批其閉自開。如針刺探吐無痰。聲如曳鋸。鼻掀痰喘。湯水不入。語聲不出者。真死候也。又有喉癰喉痺乳蛾上腭癰等症。其患雖腫。而咽門半塞半開。其病雖凶。而喉道又寬。又腫。此皆標病。雖重無妨。當用金鎖匙吐出痰涎。利膈湯推動積熱。膿脹痛者開之。損而痛者益之。其患自安。凡喉閉不刺血。此二字徐勸批喉風不倒痰。喉癰不放膿。喉痺乳蛾不針烙。此二字徐勸批此皆非法。此四字徐勸批又有痰火勞嗽。咳傷咽痛者。無

法可治。

少商穴在手掌外側去爪甲角二分是

徐曰。此篇所論服藥針刺等法。皆殺人之利刃也。人多祖此施治。十死五六。又曰。此篇乃殺人秘訣。不知殺過多少傷哉。

又曰。喉症多端。惟熱氣壅塞。喉腫不通。提痰無效。乃用金針刺出紫血。以洩其火。又喉癰成膿。塞住喉管。當用拔針瀉其膿。除此二者。皆不可針。針者十死八九。或有病輕而不死。亦必發作幾次。而後除根。并有變成喉痺而為弱症者。戒之。

## 咽喉看法

初起紅色腫痛。語聲清朗。亦無表裏之症。相兼者輕。已成腫痛。咽喉半閉半開。咯吐痰涎。飲食稍進者順。咽喉腫閉。牙關緊急。言語不清。痰壅氣急。聲小者險。咽喉驟閉。痰涎壅塞。口噤不開。探吐不出。聲喘者死。時瘡之後。結毒咽間。腫痛腐爛。吐納不堪。聲啞者重。久嗽痰火虛陽上攻。咳傷咽痛。但見聲嘶面紅者死。

## 咽喉治法

初起腫痛。寒熱交作。頭眩拘急者。邪在表也。宜發散。初起腫痛發熱。脈有力而便秘者。邪在內也。宜下之。三字徐勒批曰在表之邪禁下腫痛寒熱。口乾作渴。脈洪大而有力量者。宜發表攻裏。咽喉腫痛。痰涎壅塞。甚面紅口乾。邪在上也。宜探吐。此句徐勒批曰有引吐之藥不得探喉閉。痰涎壅塞。氣急口噤難開。先刺少商。此句徐勒批曰後行吐法已成脹痛咽喉壅塞。湯水不入。膿已成也。此句徐勒批曰膿成不瀉乃宜急針之。腫痛微紅。脈虛無力。午後痛者。屬陰虛。宜滋陰降火。徐曰亦不得腫痛色白。略吐多涎。上午痛者。屬陽虛。宜補中健脾。

### 咽喉治驗

一男子咽喉腫痛。發寒體倦。脈弦有力。此邪在表。以荊防敗毒散加牛蒡元參一劑。表症已退。腫痛未除。又以元參解毒湯二劑。腫痛減半。又二劑而安。  
徐曰。此風火極輕之症。

一男子咽喉腫痛。痰涎壅盛。用金鎖匙先吐稠痰。清咽利膈湯推蕩積熱。腫痛稍減。惟色紅甚。此火熱也。又以黃連解毒湯加桔梗二劑。紅腫亦退而安。

一男子素飲火酒。一時咽喉腫閉。口噤舌強。痰涎壅塞。勢頗危急。用針先刺少商

二穴。

此八字徐密點口

噤方開。以雞翎蘸桐油探吐稠痰數碗。語聲方出。仍用針刺腫

上。

此六字徐勒批

出紫血鍾許。溫湯漱淨。冰硼散搽之。以涼膈散加芒硝、天花

粉利去積熱。又服連翹散二劑而安。

一婦人肥甚。暑熱。咽間腫痛。痰涎上壅。語聲不出。甚危。先用針刺毒血。

此六字徐勒

以金鎖匙吐出稠痰五六碗。服清咽利膈散。腫痛稍減。去硝、黃再服而安。

一男子勞甚。咽喉腫痛。自服清咽利膈藥不應。診之。脈細而虛。此勞傷虛火之症。

朝以補中益氣湯。

此五字徐勒批

豈可用升藥加麥冬、五味子。此二味徐勒批曰：一桔梗、元

參。晚以四物湯加黃柏、知母、炒黑乾薑。乾薑一味徐勒加童便服之。不數日。腫痛消而

咽愈。

一婦人咽痛。微腫色白。吐嚔不利。診之。脈亦細數。此中氣不足。虛火假症也。用理

中湯二服。

徐曰：虛火上炎。亦有有用之者。

其疼頓止。又用補中益氣湯。徐曰：與前湯大相加炒

黃柏、知母數服。患不復作。

一男子腫痛日甚。服清咽利膈藥不應。必欲作膿。用防風通聖散去硝、黃二服。喉

膿脹痛。下針便愈。此入字徐圖批

### 咽喉主治方

#### 清咽利膈湯

清咽利膈湯。翹芩。甘桔。荆防。梔薄。銀。大黃。牛蒡。黃連等。朴硝。加上黑元參。  
治積熱咽喉腫痛。痰涎壅盛。及乳蛾喉痺喉癰重舌木舌。或胸膈不利。煩躁飲  
冷。大便秘結等症。

連翹

黃芩

甘草

桔梗

荆芥

防風

山梔

薄荷

金銀花

黃連

牛蒡子

元參各一錢

大黃

朴硝各二錢

水二鍾。煎八分。食遠服。

徐曰。此咽喉主方。但硝黃斷不可輕用。

#### 元參解毒湯



元參解毒湯。山梔。甘草。黃芩。桔梗。隨。葛根。生地。兼。荆芥。竹葉。燈心。加入。宜。治。咽喉。腫痛。已經。吐下。飲食。不利。及。餘。腫。不。消。

元參

山梔

甘草

黃芩

桔梗

葛根

生地

荆芥

各一錢

水二鍾。淡竹葉。燈心各二十件。煎八分。食後服。

徐曰前方已有

### 連翹散

連翹散內。葛根。芩。赤芍。山梔。桔梗。升。麥冬。牛蒡。同。甘草。木通。加上。效。如。神。治。積。飲。停。痰。蘊。熱。膈。上。以。致。咽。喉。腫。痛。胸。膈。不。利。咳。吐。痰。涎。舌。乾。口。燥。無。表。裏。症。相。兼。者。

連翹

葛根

黃芩

赤芍

山梔

桔梗

升麻

麥冬

牛蒡子

甘草

木通各八分

水二鍾。竹葉二十片。煎八分。食遠服。

徐曰。即前方。

### 涼膈散

涼膈散中荆芥防。薄荷粉桔梗大黃。元參石膏牛蒡子。具母山梔功效良。治咽喉腫痛。痰涎壅甚。膈間有火。大便秘澀。

防風

荆芥

桔梗

山梔

元參

石膏

薄荷

黃連

花粉

牛蒡子

具母

大黃各等分

水二鍾。煎八分服。

徐曰。此治寶火之方。

### 金鎖匙

金鎖匙中用燄硝。殭蠶冰片雄黃饒。加上硼砂研細末。咽喉腫閉即時消。治喉閉纏喉風。痰涎壅塞。口噤不開。湯水不下。

燄硝一兩

硼砂五錢

冰片一分

白殭蠶一錢

雄黃三錢

各研爲末。和勻。以竹筒吹患處。痰涎卽出。如痰雖出。腫痛仍不消。急針患處。去惡血。服前藥。

徐曰。此糝喉通治之方。但只宜糝。不宜吹。吹則風入喉中。必發噤而更腫。其方亦甚多。不得專恃此一方也。

### 理中湯

理中湯內藥四般。甘草乾薑白朮攢。加上人參水煎服。虛陽之火立時安。治中氣不足。虛火上攻。此句徐圈以致咽間乾燥作痛。吐嚔妨礙。及脾胃不健。食少作嘔。肚腹陰疼等症。

人參一錢

甘草炙入八分

乾薑炒黑五分

白朮二錢

水二鍾。煎八分。食遠服。

徐曰。用此方者。百不得一。

### 桐油餞

桐油餞。今桐油餞。治的喉風如神。見探吐頑痰。日照霜。回生起死。真堪羨。治喉風喉閉。其症先兩日胸膈氣急。呼吸短促。驀然咽喉腫痛。手足厥冷。氣閉。

不通。頃刻不治。先用溫湯半碗。加入桐油三四匙攪勻。用雞翎蘸油。探入喉中。連探四五次。其痰湧出。再探再吐。以人甦醒聲高爲度。後服清咽利膈之藥。  
徐曰。此治喉間痰塞不能嚥藥之方。

### 治喉烏龍散

烏龍散只二品藥。十八喉風總堪嚼。開關利膈效如神。虛火實火要斟酌。  
用豬牙阜角七條。去皮弦。爲粗末。水一鍾。煎五分。入人乳三匙。冷服。即時非吐。即瀉。治咽喉腫痛。痰涎壅盛。喉風喉癰。乳蛾等症。並效。惟纏喉風牙關緊閉者。不可與。恐痰上出而口不開。此句徐論甚正壅塞無路而出故也。除此皆效。又久病咽痛忌用。此句徐論

徐曰。此治風痰之法。

### 神效吹喉散

神效吹喉散。薄荷。僵蠶。青黛。朴硝。和。白礬。火硝。黃連。等。加上礬砂。病自瘥。  
治纏喉風閉塞。及乳蛾喉痺。重舌。木舌等症。

薄荷

僵蠶

青黛

朴硝

白礬

火硝

黃連

礪

砂各五錢

上藥各為細末。臘月初一日。取雄豬膽七八個。倒出膽汁。用小半和上藥拌勻。復灌膽殼。以線紮頭。膽外用青缸紙包裹。將地掘一坎闊深一尺。上橫竹筴。懸掛坎中。以板鋪平。用泥密蓋。候至立春日出。掛風處陰乾。去膽皮青紙。瓷罐密收。每藥一兩。加冰片三分。同研極細。吹患處神效。

徐曰。此方宜合備用。

楣案。礪蠶。青黛。火硝。礪砂四味。徐園。

### 少陰甘桔湯

加味甘桔湯。黃芩。柴胡。羌活。元參。陳川。芎升。麻。併葱白。少陰喉痛即安寧。治少陰咽痛。頭眩脈沈細。而身猶熱者。

桔梗二錢

甘草一錢

陳皮

川芎

黃芩

柴胡

元參各六分

羌活

升麻各四分

水二鍾。葱白一根。煎八分。不拘時服。

徐曰。此方本仲景而失其旨。

清音噙化丸

清音噙化丸。訶子。天麥歸苓黃柏參。阿膠。知母。生熟地。烏梅。人乳。犢牛。津。

治肺氣受傷。聲音雌啞。或久嗽咳傷聲啞亦宜。

訶子

真阿膠

天冬鹽水拌炒

知母各五錢

麥冬去心

白茯苓

黃柏蜜炙

當歸

生地

熟地各一兩

人參三錢

烏梅肉十五枚

人乳

牛乳

梨各一兩汁熬稠膏

將藥共為細末。和入稠膏。加煉蜜搗成丸。如芡實大。每用一丸。仰臥噙化。日用三丸。如改作小丸。每服一錢。訶子煎湯。或蘿蔔湯送下。亦可取效。

徐曰。雜亂。

治暴失音方

暴失音方。豬板油。再加白蜜兩相投。慢火煎至稠膏住。每日三匙。不用憂。

雄豬板油一觔。入鍋先煉成油。濾去渣。入白蜜一觔。再煉少頃。絹濾淨。瓷器內

冷定成膏。不時挑服一茶匙。其音漸清。無疾時亦可常服潤肺。  
徐曰。此潤喉之法。

### 噙化丸

噙化丸用白礬良。礪砂牙皂共雄黃。膽礬棗肉丸成就。吐嚔艱難第一方。  
治梅核氣。乃痰氣結於喉中。嚔之不下。吐之不吐。如毛草常刺作癢。新則吐酸妨礙。久成閉塞。

膽礬

礪砂

明礬

牙皂

雄黃

各等分爲末。紅棗煮爛。取肉爲丸。如芡實大。空心噙化一丸。溫黃酒一杯過口。  
內服蘇子降氣湯。

徐曰。此藥入口。卽大吐不止。作此等方者。以意爲之。並未自試也。此等極多。  
蘇子降氣湯

蘇子降氣湯厚朴。陳皮半夏共前胡。官桂一錢甘草半。生薑爲引效堪圖。  
治虛陽上攻。氣不升降。致結患咽噎。痰涎壅塞。

蘇子五錢

厚朴

陳皮

半夏

前胡

官桂各一錢

甘草五分

水二鍾。薑三片。煎八分。食遠服。

徐曰。此方絕非治咽喉之方。不可用。

### 冰硼散

冰硼散效實堪誇。五分冰片五硼砂。元明粉五硃砂六。通治咽喉病可瘥。

治咽喉口齒新久腫痛。及久嗽痰火咽啞作痛。

冰片五分

硃砂六分

元明粉製法詳末卷

硼砂各五分

共研極細末。吹搽患處。甚者日搽五六次。最效。

徐曰。此亦通治之方。

### 咽喉應用方

黃連解毒湯見疔瘡門

防風通聖散

荆防敗毒散見時毒門

四物湯

補中益氣湯見瘡門

### 時毒論



夫時毒者。天行時氣之病也。春當溫而反寒。夏宜熱而反涼。秋當涼而反熱。冬宜寒而反溫。此四時不正之氣。感於人而爲疾也。宜分別陰陽表裏寒熱虛實施治。初起與風寒相類。惟頭面耳項發腫爲真。此九字徐圖其患寒熱交作。體強頭眩。脈浮緊數者。爲邪在表。以荆防敗毒散。或萬靈丹發汗以散之。如兩目鼻面漸次傳腫者。乃正陽明受病。其患掀腫發熱。便秘口乾。多熱少寒。脈數有力。爲邪在裏。五利大黃湯。四順清涼飲下之。又頭角兩耳前後結腫者。乃手少陽經受之。其患耳鳴筋痛。寒熱嘔吐。口苦咽乾。煩躁時甚。當以知母石膏湯。小柴胡湯和之。通用防風通聖散加牛蒡元參。解毒攻裏。勞役凶荒。沿門闔巷傳染者。普濟消毒飲。藿香正氣散以安之。表裏俱解。腫尙不消。宜砭去惡血。腫熱甚者。如意金黃散敷之。微熱不紅堅硬者。冲和膏選而用之。自後仍不消者。必欲作膿。宜托裏消毒散。加白芷阜角針托之。已潰體倦食少者。補中益氣湯。膿穢脾虛。食而嘔吐者。香砂六君子湯。潰而不斂者。十全大補湯。又有毒中三陽。自項以上俱發腫者。光如水色。雙目合縫。脣似豬形。口角流涎。腫不消潰。聲音不出。飲食不入。咽喉腫閉。牙關難開。破流臭水。穢氣連綿不絕者。俱爲不治。

徐曰。此乃時行濕毒之氣。發於頭面。世所謂大頭症是也。以其能作膿出毒。故入外科。

### 時毒看法

初起寒熱交作。頭面一處作腫。紅赤發熱疼痛者輕。已成高腫發熱。疼痛有時。語聲清朗。湯藥易入者輕。已潰膿稠。堅腫漸消。疼痛漸減。飲食漸進。身溫者吉。潰後膿水漸止。腫退肌寬。神彩精寧。睡臥安穩者順。初起多寒少熱。頭面耳項俱腫。光如水晶不熱者險。已成漫腫無頭。牙關緊閉。湯水不入。聲音不出者逆。已潰膿水清稀。氣味敗臭。腫痛不除。如尸發胖者死。潰後臭水淋漓。腫不知痛。手足多冷。常出謔言者死。

### 時毒治法

寒熱交作。頭眩體痛。六脈浮緊。邪在表也。宜汗散之。頭面赤腫作痛。口燥咽乾。大便秘實。邪在裏也。宜下之。外有寒熱。內亦口乾。脈弦有力。表裏俱實。宜發表攻裏。

表裏俱解。腫痛仍不消者。乃瘀血凝滯。宜砭去惡血。砭血之後。腫痛不消者。已欲作膿。宜托膿健脾。腫日甚而脹痛者。已有膿。急針之。更兼補托。調理脾胃。潰後腫痛不減。膿清腥穢。脾胃弱也。更宜溫中健脾。饑年時毒流行傳染者。忌用攻發。當和解兼養正氣。

### 時毒治驗

一男子耳項腫痛發寒熱。脈浮數。以荆防敗毒散一劑。寒退熱存。又以連翹消毒飲一劑。便行三次。內熱頓退。餘腫不消。本方去大黃加川芎數劑而愈。

徐曰。輕症。

一男子先發寒熱。次日。頭面俱腫。又二日。口噤。湯水不入。診之。脈洪數而有力。此表裏俱實也。又咽喉妨礙。湯藥難下。先用針刺咽間。去惡血。鍾許。此二句徐不幸耳牙關稍開。用防風通聖散一劑。徐徐服之。便去三四次。腫上砭去惡血。以金黃散敷之。次日。腫勢稍退。又用普濟消毒飲二劑。面腫漸消。惟兩耳下堅腫不退。此必作膿。又用托裏消毒散數服。候膿熟而針之。膿熟二字徐密圈次用十全大

補湯去肉桂加陳皮十餘劑而斂。

一男子牙根腫痛。次傳腮項俱腫。頓生寒熱。此陽明溼熱上攻。用荆防敗毒散加

石膏一劑。

石膏一味徐勒批曰初起不得用寒藥

寒熱頓退。惟腮腫不消。以針刺牙根腫上。此七

齒點批曰出毒血。以冰硼散搽之。外敷真君妙貼散。內服牛蒡子湯。數劑而愈。

一男子冬月耳面赤腫。發熱口乾。脈洪實而便秘。此三陽蘊熱症也。必捨時從症

治之。以五利大黃湯一劑。便行二次。赤腫稍退。內熱稍疎。又以升麻解毒湯二

服。腫亦消而病愈。

一婦人冬月面腫咽痛。口噤難開。診之。脈洪數有力。又見房中暖氣如蒸。此爐火

盛也。用黃連解毒湯加元參一劑。次日腫消咽利。又服二劑全愈。

徐曰。此偶觸火邪之輕症。

一男子勞甚。鬢間腫硬。肉色不變。余曰。勞傷氣血。溼痰毒滯之症。與外感時毒不

同。又診脈細數而無力。為內傷損病。治當養氣血。調經脈。理勞續損。彼欲內消。

自服仙方活命飲二劑。腫不見消。脾胃已損。又請一醫。乃行攻利。復損臟腑。此

徐數日後。飲食不進。便泄不止。徐曰此必腫硬愈堅。痰涎愈甚。復請余視之。

余曰。今不可治。凡病有主末。治有權宜。此病初起。肉色不變者。血不足也。堅硬不熱者。脾胃弱也。脈細數而無力。正氣衰也。豈可用前有餘之藥。以攻不足之病。旋又強投溫中補劑。不應而死。

楣案此條當入鬢疽門。

### 時毒主治方

#### 荆防敗毒散

荆防敗毒散。桔梗。羌獨前柴芎人參。茯苓枳殼同甘草。寒甚加蔥藥力行。治時毒初起。頭眩惡寒。腮項腫痛。脈浮者。

荆 芥

防 風

羌 活

獨 活

前 胡

柴 胡

川 芎

桔 梗

茯 苓

枳 殼錢各一

甘 草

人 參各五分

薑三片。水二鍾。煎八分。食遠服。寒甚。加蔥二枝。

徐曰。此爲主方。惟人參不宜輕用。

### 五利大黃湯

五利大黃湯黃芩升麻梔子朴硝評時毒掀腫大便秘實熱用之即安寧。

治時毒掀腫赤痛煩渴便秘脈實有力者。

大黃煨

黃芩

升麻各二錢

芒硝

梔子各一錢五分

水二鍾煎八分空心服未利者渣再煎服。

徐曰此治陽明熱毒之方大實熱者可用。

### 連翹消毒飲

連翹消毒飲芎歸赤芍牛蒡薄荷隨黃芩花粉桔梗草枳殼升麻並用宜。

治時毒表裏二症俱罷餘腫不消疼痛不退者。

連翹

川芎

當歸

赤芍

牛蒡子

薄荷

黃芩

花粉

甘草

枳殼

桔梗各一錢

升麻五分

水二鍾煎八分食後服便燥者加酒製大黃。

徐曰。卽前方意。

### 防風通聖散

防風通聖。大黃芎。薄荷芎。歸草朴硝。桔梗。梔。翹。芩。白朮。荆芥。麻黃。滑石膏。  
治時毒發寒發熱。煩躁口乾。表裏脈症俱實者。

防風

白芎

薄荷

川芎

桔梗

山梔

黃芩

白朮

當歸

連翹

荆芥

麻黃

滑石

石膏各一錢

甘草五分

芒硝一錢五分

大黃酒炒一錢

水二鍾。煎八分。空心溫服。

徐曰。此乃治表裏俱熱之方。所謂兩解法也。須審定內外俱熱之症。乃可消息試用。

### 普濟消毒飲

普濟消毒飲。芩。連。元草。參。陳牛蒡。攢。柴。桔。翹。藍。併。馬。勃。升。麻。僵。蠶。共。水。煎。

治時毒疫癘。初覺憎寒發熱。肢體沉重。次傳頭面作腫。或咽喉不利。舌乾口燥。煩渴不寧者。

黃 芩

黃 連各二錢

人 參 一錢

陳 皮去白

元 參

甘 草

柴 胡

桔 梗各一錢五分

連 翹

牛 蒡 子

馬 勃

藍 板 根

升 麻

僵 蠶各五分

水二鍾。煎八分。食後服。如大便燥。加酒煨大黃一錢。或二錢。以利為度。腫勢甚者。宜砭去惡血。

徐曰。此治陽明熱毒之方。亦治危急咽喉症。

又曰。此方甚雜。當對症選用。

楣案元參、牛蒡子、馬勃、板藍根、升麻、僵蠶。徐圈。王君謂方中升藥太多。用者極宜斟酌。

通氣散

通氣散內用延胡。羊躑躅花與藜蘆。川芎牙皂共為末。撚於鼻內嚏沾濡。



治時毒掀腫疼痛。咽喉不利。語言不爽者。

延胡索一錢五分

川芎

牙皂各五分

藜蘆三分

躑躅花二錢五分

共為細末。用紙撚蘸藥少許於鼻內。取嚏為效。

徐曰。備用可也。

托裏消毒散見腫瘍門

治時毒表裏俱解。腫尚不退。欲作膿者。

牛蒡子湯

牛蒡子湯。首葛根。豆豉。須用江西精。貫衆。甘草各等分。煎嘗時毒可安寧。

治時毒熱甚腫痛。脈數而無力者。

葛根

貫衆

甘草

江西豆豉

牛蒡子半生半熟。研各二錢

水二鍾。煎八分。食後服。

十全大補湯見續傷門

治時毒潰後。膿水清稀。形容消瘦。脾胃虛弱。飲食減少。虛熱不睡。自汗盜汗。及不收斂者。

時毒應用方

金黃散見腫瘍門

黃連解毒湯見疔瘡門

冰硼散見咽喉門

升麻解毒湯見湯梅瘡門

真君妙貼散見腫瘍門

癭瘤論

夫人生癭瘤之症。非陰陽正氣結腫。此句徐勣乃五臟瘀血濁氣痰滯所成。癭者陽也。徐曰癭瘤二症倒說了色紅而高突。或蒂小而下垂。瘤者陰也。徐曰此句當色白而漫腫。徐曰瘰癧肉色不變者亦無癢痛人所不覺薛立齋分別甚詳。肝統筋。怒動肝火。血燥筋攣。曰筋瘤。心主血。暴急太甚。火旺逼血沸騰。復被外邪所搏而腫。曰血瘤。脾主肌肉。鬱結傷脾。肌肉消薄。上氣不行。逆於肉裏而為腫。曰肉瘤。肺主氣。勞傷元氣。腠理不密。外寒搏而為腫。曰氣瘤。腎主骨。恣慾傷腎。腎火鬱逼。骨無榮養而為腫。曰骨瘤。余謂筋瘤者。堅而色紫。纍纍青筋盤曲。甚者結若蚯蚓。治當

清肝解鬱。養血舒筋。清肝蘆薈丸是也。血瘤者。微紫微紅。軟硬間雜。皮膚隱隱。纏若紅絲。擦破血流。禁之不住。治當養血涼血。抑火滋陰。安斂心神。調和血脈。芩連二母丸是也。肉瘤者。軟若縣。硬似鰓。皮色不變。不緊不寬。終年只似覆碗然。治當理脾寬中。疎通戊土。開鬱行痰。調理飲食。加味歸脾丸是也。氣瘤者。軟而不堅。皮色如故。或消或長。無熱無寒。治當清肺氣。調經脈。理勞傷。和榮衛。通氣散堅丸是也。骨瘤者。形色紫黑。堅硬如石。疔瘡高起。推之不移。昂昂堅貼於骨。治當補腎氣。養血行瘀。散腫破堅利竅。調元腎氣丸是也。此瘡之五名。治瘡之五法。徐曰。諸癰物非服藥所能愈。又立齋云。筋骨呈露曰筋癭。赤脈交結曰血癭。皮色不變曰肉癭。隨憂喜消長曰氣癭。堅硬不可移曰石癭。此癭之五名也。通治癭瘤初起。元氣實者。海藻玉壺湯。六軍丸。久而元氣虛者。琥珀黑龍丹。十全流氣飲。選服。自然縮小。消磨切不可輕用針刀掘破。此句徐圖出血不止。多致立危。久則膿血崩潰。滲漏不已。終致傷人。又一種粉瘤。作紅粉色。多生耳項前後。亦有生於下體者。全是痰氣凝結而成。宜拔針破去脂粉。此句徐密點以三品一條槍插入數次。此句徐勒以淨內膜。自愈。又一種黑砂瘤。多生臀腿。腫突大小不一。以手攝起。內有黑色是也。亦用針刺。內出黑

砂有聲。此十字徐密點軟硬不一。又一種髮瘤。多生耳後髮下寸許。軟小高突。按之不痛。亦針之。粉髮齊出。又一種蛔蟲瘤。生於脇下。又一種蛆瘤。連生肩膊。以上數瘤。詳在後治驗中。非謬也。予觀古又有虱瘤焉。要皆五臟溼熱邪火濁氣瘀血所感而成。非正病也。

### 癭瘤看法

初起紅色光亮。微熱微痛。根脚浮淺。不堅實者輕。已成紅赤高腫。作熱掀痛。頂破皮穿。膿潰腫消者輕。已潰膿稠色鮮。根脚縮小。內肉漸生。外皮漸緊者順。潰後氣體平和。飲食如故。腫消痛止。口平收斂者順。初起肉色不變。寒熱漸生。根脚散漫。時或陰痛者險。已成堅硬如石。舉動牽強。咳嗽生痰。皮寒食少者逆。已潰無膿。惟流血水。腫不消。痛不止。脾氣衰弱者逆。破後血水不止。腫硬更增。敗腐不脫。噁氣惡心者死。

### 癭瘤治法

初起無表裏之症相兼。但結成形者。宜行散氣血。已成無痛無癢。或軟或硬。色白者。痰聚也。宜行痰順氣。已成色紅。堅硬漸大。微癢微疼者。宜補腎氣。活血散堅。形如茄蒂。瘤大下垂者。用藥點其蒂。茄落生肌收斂。已破流膿不止。瘤仍不消。宜健脾胃爲主。佐以化堅。已潰出血不常。瘤口開泛者。宜養血涼血。佐以清肝。潰後瘤腫漸消。脾弱不能收斂者。補腎氣兼助脾胃。

### 癭瘤治驗

- 一男子臀瘤五年。形如覆瓢。按之隱隱黑色。此黑粉瘤也。以針破之。按出黑砂兼黑粉。共約碗許。用三品一條槍插入患內。此九字徐勣批曰。亦宜肘和平腐藥。十餘日。每次捺出黑膜。其瘤漸消。內服十全大補湯。健脾胃。養氣血。月餘而斂。
- 一男子腮上生瘤半年。形若覆桃。皮色不變。按之微紅。此粉瘤也。針破之。捺去脂粉。插前藥半月而愈。
- 一義烏兵士肩膊下連生小瘤五枚。三月後發。餘癢異狀。以手捫之。噲噲攻動如蝦。余謂此必有異蟲。以針破其一枚。先出紅水一匙。少頃。取出黑嘴粉紅蟲一

條。徐曰形如蛆樣。長六七分。又破一枚亦然。其人漸覺昏暈。此泄氣之過也。餘瘡停針。服補中益氣湯數劑。用膏蓋已針者。又五六日。病者方健。漸次破之。仍用補藥十餘服而愈。

徐曰。確有此症。乃蟲瘡也。

一婦人及一女子。耳後髮際下一寸。各生一瘡。半年餘漸大。用針破之。先出脂粉。後出頭髮數根。徐曰長約二尺餘。齊根剪斷。出血少許。俱用插藥數日。化出內膜而愈。以此觀之。知有髮瘡也。

一婦人腰間生一肉瘡。三年餘方漸微痛。一日潰後。出小蛔三條。長約五寸。置溫湯中。游動半時方息。時病者形體衰弱。面黃肌瘦。朝以八味丸。徐曰丸午用人參養榮湯。徐曰湯服至百日外。元氣漸醒。又百日。其口方收。余意其蛔乃經絡氣血所化。

徐曰。此亦奇症。余見一人有蛔蟲數十條。肚皮內各處攻到。以藥敷之。則遷往他處。已愈其半。而此人一去竟不復來。不知其愈否。

一婦人氣衝穴生瘡。紅紫堅硬。乃血瘡也。心肝二脈俱已洪數。此心氣鬱結。肝氣

受傷之故。辭以不治。後請京師一醫治之。頭已穿潰。雖強投補托化堅涼血等劑。日潰日爛。終至不應。破經兩月。一日湧出紫血盆許而亡。人問其故。余曰。心脈洪數。心火旺也。肝脈弦數。肝氣傷也。火旺逼血妄行。肝傷不能藏血。破必出血不止。多致危亡。余所以預辭不治也。

徐曰。血瘤破後。往往不治。

又曰。此症用大劑涼血補血之藥。亦有愈者。

### 癭上瘤土治方

#### 清肝蘆薈丸

清肝蘆薈丸。芎芎。昆布。青連。阜地黃。海粉。當歸。甘草節。筋瘤治宜用此方。治惱怒傷肝。致肝氣鬱結為瘤。堅硬色紫。纍纍青筋。結若蚯蚓。遇喜則安。遇怒則痛者。

川芎

當歸

白芎各二兩

生地酒浸搗膏二兩

青皮

蘆薈

昆布

海粉

甘草節

牙 阜

黃 連各五錢

右為末。神麴糊為丸。如梧桐子大。每服八十丸。白滾湯量病上下食前後服之。

徐曰。方亦近理。但恐不能見效。

楣案青皮、昆布、海粉、牙阜、徐圈。

芩連二母丸

芩連二母丸。芎藭。熟地。當歸。羚羊角。蒲黃。生地。與骨皮。甘草。柏葉。為丸服。

治心火妄動。逼血沸騰。外受寒涼。結為血瘤。微紫微紅。軟硬間雜。皮膚隱隱。纏如紅絲。皮破血流。禁之不住者。

黃 連

黃 芩

知 母

貝 母

川 芎

當 歸

白 芍

生 地

熟 地

蒲 黃

羚 羊 角

地 骨 皮各等分

甘 草減半

右為末。側柏葉煎湯。打寒食麵為丸。如桐子大。每服七十丸。燈心湯送下。或作

煎劑服之亦效。



徐曰。血瘤破後。用大補氣血之品。尙恐難效。此等丸藥。那能取效。

### 順氣歸脾丸

順氣歸脾丸。貝母。烏附。香陳。朮。茯神。棗仁。遠志。歸參等。木香。甘草。合歡根。治思慮傷脾。致脾氣鬱結。乃生肉瘤。軟如綿。腫似鰻。脾氣虛弱。日久漸大。或微疼或不疼者。

陳皮

貝母

香附

烏藥

當歸

白朮

茯神

黃耆

酸棗仁

遠志

人參

木香

甘草

炙各三錢

右爲末。合歡樹根皮四兩煎湯。煮老米糊。丸如桐子大。每服六十丸。食遠白滾湯送下。

徐曰。肉瘤破。亦非此方所能治。

### 通氣散堅丸

通氣散堅丸。半夏。陳貝。芎歸。粉草。芩。香附。桔。菖。參。海藻。南星。枳實。共黃芩。

治憂鬱傷肺。致氣濁而不清。聚結為瘤。色白不赤。軟而不堅。由陰陽失度。隨喜怒消長者。

陳皮

半夏

茯苓

甘草

石菖蒲

枳實炒

人參

膽星

花粉

桔梗

川芎

當歸

貝母

香附

海藻

黃芩酒炒各等分

右為末。荷葉煎湯泛為丸。寒豆大。每服一錢。食遠。燈心二十根。薑三片。泡湯送下。

徐曰。此通治瘤之方。如欲用藥。亦不過如此耳。

調元腎氣丸

調元腎氣丸參地。山藥丹歸萸澤苓。麥冬龍骨香砂柏。骨皮知母效如神。

治房慾勞傷憂恐損腎。致腎氣弱而骨無榮養。遂生骨瘤。堅硬如石。形色或紫或不紫。推之不移。堅貼於骨。形體日漸衰瘦。氣血不榮。皮膚枯槁。甚者寒熱交作。飲食無味。舉動艱辛。脚膝無力。並宜服之。

生地酒膏四兩 萸肉 山藥 丹皮

茯苓各二 人參 歸身 澤瀉

麥冬搗膏 地骨皮 龍骨各一 木香

砂仁各三 黃柏鹽水炒 知母童便炒

右為末。鹿角膠四兩。醇酒化稠。加蜜四兩。同煎滴水成珠。和藥為丸。如桐子大。

每服八十九。空心溫酒送下。忌白蘿蔔火酒房事。

徐曰。此泛常補陰之方。非治瘰之法也。

### 海藻玉壺湯

海藻玉壺湯。貝陳。昆布芎歸連翹青。半夏獨活甘草節。海帶同煎。效有靈。

治瘰癧初起。或腫或硬。或赤或不赤。但未破者。

海藻 貝母 陳皮 昆布

青皮 川芎 當歸 連翹

半夏 甘草節 獨活各一 海帶五分

水二鍾。煎八分。量病上下。食前後服之。凡服此門藥。先斷厚味大葷。次宜絕慾。

虛心為妙。

徐曰。此亦癰瘤通治之方。

活血散癭湯

活血散癭湯。芍歸。青陳芎半地黃隨。參苓昆布丹皮草。紅花肉桂木香陪。

治癭瘤已成。日久漸大。無痛無癢。氣血虛弱者。

白芍

當歸

陳皮

川芎

半夏

熟地

人參

茯苓

丹皮

錢各一

紅花

昆布

木香

甘草

節各五

青皮

肉桂

各三

水二鍾。煎八分。量病上下服。再飲酒一小杯。

徐曰。與前方意重。

六軍丸

六軍丸內用蜈蚣。全蠍。殭蠶。蟬蛻。同。夜明砂。與穿山甲。諸種癭瘤可見功。治癭瘤已成未潰者。不論年月新久。並宜服之。

蜈蚣去頭

蟬蛻

全蠍

僵蠶炒去

夜明砂

穿山甲

以上等分爲細末。神麴糊爲丸。粟米大。硃砂爲衣。每服三分。食遠酒下。忌大葷煎炒。日漸可消。

徐曰。此治結痰實症。不得概用。恐誤人。

### 枯瘰方

枯瘰方用白砒。硃砂。黃丹。輕粉。與斑蝥。乳香。沒藥。藥。硃砂等。雄黃。田螺。米。粥。調。

治瘰初起成形未破者。未破二字徐圈及根蒂小而不散者。不散二字徐圈

白砒

硃砂

黃丹

輕粉

雄黃

乳香

沒藥

硃砂各一

斑蝥二十

田螺去殼三枚  
曬乾切片

共研極細。糯米粥調和。捏作小棋子樣。曝乾。先灸瘰頂三炷。以藥餅貼之。上用黃柏末水調。蓋敷藥餅。候十日外。其瘰自然枯落。次用斂口藥。

徐曰。此亦可修合備用。

楣案白砒、硃砂、斑蝥、田螺、徐圈。

又案蒂小而不散之瘤。有以蛛絲切之者。此本古方。吳廣文元禧言友人子牙縫生多肉。用此法而愈。是不獨可治瘤也。

秘傳斂瘤膏

秘傳斂瘤膏。血竭、輕粉、龍骨、海螵蛸、象皮、乳香各等分。雞子熬油一處調。

治癰瘤枯藥落後。用此搽貼。自然生肌完口。

血竭

輕粉

龍骨

海螵蛸

象皮

乳香

各一錢

雞

蛋黃十五枚。煮油一小鍾。

以上各為細末。共再研和。入雞蛋油內攪勻。每日早晚。甘草湯洗淨患上。雞翎

蘸塗膏藥蓋貼。

徐曰。此方用處頗多。

琥珀黑龍丹

琥珀、黑龍、丹、海帶、南星、血竭、五靈脂、海藻、木香、併京墨、麝香。加上更相宜。

治五癭六瘤。不論新久。但未穿破者。

琥珀一兩

血竭二兩

京墨

五靈脂炒

海帶

海藻

南星

薑汁半炒

木香三錢

麝香一錢

以上各為細末。和勻再研。煉蜜丸。一錢重。金箔為衣。晒乾密收。每用一丸。熱酒一杯。量病上下食前後化服。如患在下部。服後隨用美膳壓之。

徐曰。輕症初起者可用。

### 十全流氣飲

十全流氣飲。陳皮。赤茯苓。青皮。香附。隨。木香。烏藥。芎歸。芍。甘草。同煎。效最奇。治憂鬱傷肝。思慮傷脾。致脾氣不行。逆於肉裏。乃生氣癭肉瘤。皮色不變。日久漸大者。

漸大者。

陳皮

赤苓

烏藥

川芎

當歸

白芍各一錢

香附八分

青皮六分

甘草五分

木香三分

薑三片。棗二枚。水二鍾。煎八分。食遠服。

徐曰。此通治氣鬱之方。

楣案癰中無粉砂等物。如肉癰氣癰血癰之類。余所製消核膏。初起亦可貼。又秘方用甘遂大戟。芫花各四錢。研極細末。白酒調勻。圈在癰根。留出其頂。另用生甘草二兩煎膏。圍在前藥之外。初起亦消。此方與消核膏同意。

### 癭瘤應用方

三品一條槍

人參養榮湯

見瘰癧門

補中益氣湯

八味丸

十全大補湯

見瘰癧門

寒食麵

註末

### 肺癰論

夫肺癰者。金受火刑之症也。此句蓋肺為五臟華蓋。其位至高。其質至清。內主乎氣。中主聲音。外司皮毛。又兼主乎貴賤壽夭。金清而氣管深長者。其音自清。其韻自高。其聲自洪。此三者主壽主貴。亦主通達。如金濁而氣管短細者。其音自焦。其韻自低。其聲自小。此三者主夭主賤。亦主蹇滯。故肺金獨旺於秋者。應其輕清之候也。倘有所尅。其病自生。患肺癰者。先因感受風寒。未經發越。停留肺中。初則毛



聳惡風。咳嗽聲重。胸膈隱痛。項強不能轉側。是其真候也。久則鼻流清涕。咳吐膿痰。黃色腥穢。甚則胸脇脹滿。呼吸不利。飲食減少。脈洪自汗。法當清金。甘桔湯主之。麥冬清肺。飲調之。麥冬徐用又久嗽勞傷。咳吐痰血。寒熱往來。形體消削。咯吐瘀膿。聲啞咽痛。其候傳為肺痿。如此者。百死一生。治宜知母茯苓湯主之。人參五味子湯調之。又有七情飢飽勞役損傷脾肺者。麥冬平肺。飲主之。麥冬徐用紫菀茸湯調之。又有房慾勞傷。丹石補藥。消鑠腎水者。宜腎氣丸主之。金液戊土丹調之。又勞力內傷。迎風響叫。外寒侵入。未經解散。致生肺癰。初起脈浮微數。胸熱氣粗。寒熱往來。咳嗽生痰者。當以小青龍湯主之。麥冬清肺。飲調之。麥冬徐用通用金鯉湯。蠟礬丸。太乙膏。清金寧肺丸等。相間服之亦效。如手掌皮粗。六脈洪數。氣急。顛紅。污膿。白血。嘔噦。澆水。鼻撮不滄。飲食者。俱為不治。此症以身涼脈細。膿血交流。痰色鮮明。飲食知味。膿血漸止者生。反此則死。

## 肺癰看法

初起脈浮虛細。身體不熱。咳嗽有痰。呼吸調勻者順。已成脈浮微數。咳吐膿痰。形

色鮮明。語聲清朗者吉。潰後咯吐膿痰。間吐鮮血。時發時止。飲食知味者順。吐膿漸漸稀少。胸脇不疼。面色微微帶黃。便調多穢者順。初起脈洪弦數。身熱多寒。胸疼氣喘。面紅多汗。損壽已成。咯吐膿痰。氣味淫臭。黃痰如膠黏固。脣反。終亡。咯吐再兼白血。氣急多煩。指甲紫而帶彎。終歸冥路。手掌反如枯樹。面豔顴紅。咽痛。音如鴨聲。鼻掀終死。

### 肺癰治法

初起風寒相入。頭眩惡寒。咳嗽聲重者。宜解散風邪。汗出惡風。咳嗽氣急。鼻塞項強。胸膈隱痛。宜解表清肺。日間多寒。喜覆衣被。夜間發熱。多煩去被。宜滋陰養肺。口乾喘滿。咳嗽身熱。脈弦數者。宜降火抑陰。胸滿喘急。咳吐膿痰。身熱氣粗。不得安臥。宜平肺排膿。熱退身涼。脈來短濇。精神減少。自汗盜汗。宜補肺健脾。

徐曰。余平日因此證甚多。集唐人以來治肺癰之法。用甘涼之藥以清其火。滋潤之藥以養其血。滑降之藥以清其痰。芳香之藥以通其氣。更以珠黃之藥解其毒。金石之藥填其空。兼數法而行之。屢試必效。此條從洞溪醫案采入

# 肺癰治驗

一義官仲冬時河道督工。不常迎風呼喚。致肺受傷。初起寒熱交作。咳嗽聲重。氣急生痰。請內科醫治。越治越重。乃請余視。脈浮而數。面光而澤。此肺癰也。視其痰果有膿意。用桔梗湯二服。咳嗽稍止。復用排膿散四服。其膿漸多。惟胸膈疼痛不減。脈亦帶芤。此胸有瘀血也。用四順散加紅花、牡丹皮二服。吐出紫血碗許。膈痛漸止。又以金鯉湯兼人參、五味子間服。批人參五味子徐勒月餘而愈。

一男子久嗽不已。咳吐膿痰。面白神勞。胸中隱痛。脈浮微數。此屬肺氣不足。火尙有餘。用知母茯苓湯數服。其膿漸少。又以清金寧肺丸服之而愈。

徐曰。未成肺癰。輕劑可愈。

一男子因勞傷咳嗽不止。至夜身熱尤甚。日久咯吐膿血。診之脈弦而數。此虛火假症也。先以童便日飲三四次。又服紫菀茸湯數劑。至夜身熱不發。又兼服金鯉湯。月餘漸瘳。蓋童便能退陰火。嘗治瘡瘍虛熱不退者極效。

一男子鬱鬱不遂意。患嗽半年。時或咳吐膿血。且形體衰弱。飲食減少。脈亦微數。

聲漸將雌。惟面不紅。將成肺痿而尙可治。投以清金二母湯十餘服。咳吐減半。又以金鯉湯與人參五味子湯兼服。徐曰如有風火服人參五味子必死又早飲人乳晚飲童便。各一鍾。調理百日外而安。

一男子生平好飲。口乾作渴。致肺壅熱成癰。咳吐膿痰。喘滿難臥。用葶藶散二服。而喘定易睡。又以紫菀茸湯和乾葛花粉十餘服。而膿痰漸少。隨後早以加減八味丸。此五字徐勒批曰不切午用清金寧肺丸。服人兩月而愈。

一男子五十餘歲。平素寵妾。膏粱無厭。咳嗽發熱。此二字徐勒吐痰腥臭。手掌枯澀。面隱微紅。痰中帶白血。脈亦細微而數。此肺癰所忌也。辭不治。他醫許其可生。強爲用藥。終不應而死。人或問故。余曰。手掌乾澀。血枯土傷。不能生金也。面色微紅。相火已動。痰有白血。正肺受傷。脈細而數。真氣虛敗。肺癰犯此。豈有不死。

### 肺癰主治方

麥冬平肺飲

麥冬平肺飲。人參。赤芍。檳榔。赤茯苓。陳皮。甘桔。同成劑。肺癰咳嗽可回春。

治肺癰初起。用此方。徐批曰初起豈可咳嗽氣急。胸中隱痛。嘔吐膿痰者。

人參 麥冬 赤芍 檳榔

赤苓 陳皮 桔梗各一錢 甘草五分

水二鍾。煎八分。食遠服。

### 元參清肺飲

元參清肺飲。柴陳。甘桔。檳榔。參。茯苓。麥冬。骨皮。同薏苡。生薑。童便。效如神。治肺癰咳吐膿痰。胸膈脹滿。上氣喘急發熱者。

元參八分 銀柴胡 陳皮 桔梗

茯苓 地骨皮 麥冬各一錢 薏苡仁二錢

人參 甘草各五分 檳榔三分

水二鍾。薑一片。徐曰薑不宜煎八分。臨服入童便一杯。食後服。

徐曰。此通治之方。然人參、麥冬、生薑亦不宜輕用。

### 寧肺桔梗湯

寧肺桔梗湯。貝耆。歸。薑。枳。殼。草。桑。皮。防己。百合。葶。五味。米仁。知母。地骨皮。

治肺癰胸膈隱痛。兩脇腫滿。口燥咽乾。煩悶多渴。自汗盜汗。眠臥不得。時吐稠痰腥臭者。

桔梗

貝母

當歸

瓜蒌仁

黃耆

枳殼

甘草節

桑皮

防己

百合

米仁

五味子

甜葶藶

地骨皮

知母

四順散

水二鍾。薑三片。煎八分。不拘時服。咳甚。加百合。身熱。加柴胡。黃芩。大便秘。加蜜炙大黃一錢。小便澀滯。加燈心。木通。煩躁兼血。加白茅根。痛甚。加人參。白芷。徐曰。此亦通治之方。百合。五味。不可早用。

四順散內藥有五。桔梗。紫菀。貝母。同。甘草。杏仁。相協力。肺癰喘嗽。建奇功。治肺癰吐膿。五心煩熱。壅悶咳嗽。氣急不能安。

貝母

紫菀

桔梗

甘草

杏仁各七

路一分

水二鍾。煎八分。食遠服。或爲末。白湯調服二錢。

### 清金寧肺丸

清金寧肺貝甘陳。地骨歸苓參桔。銀柴天麥芎連。芍五味白朮地熟生。  
治肺癰咳嗽日久。膿痰不盡。身熱虛羸。漸成勞瘵者。

陳皮

茯苓

桔梗

貝母

人參

黃芩

各五分

麥冬

地骨皮

銀柴胡

川芎

白芍

胡黃連

各六錢

五味子

天門冬

生地

酒浸搗膏

熟地

搗膏

歸身

白朮

各二兩

甘草

二錢

右爲細末。煉蜜爲丸。如梧子大。每服七十九。食遠白滾湯送下。

徐曰。肺藏之痰。用蜜丸之藥。此不知用藥法度者。其方亦雜而無紀。

### 人參五味湯

人參五味湯。陳朮。耆桔歸苓枳地黃。桑皮柴前地骨草。肺癰虛乏可煎嘗。

治氣血勞傷。咳膿或咯血。寒熱往來。羸瘦困乏。一切虛損之症。

人參

五味子

前胡

陳皮

白朮

桔梗

當歸

茯苓

熟地

甘草錢一

黃耆

地骨皮

桑白皮

枳殼

柴胡各五

水二鍾。薑三片。煎八分。食後服。

徐曰。雜亂無紀。後世習外科者。皆無本之學。此種方外科書極多。不足取也。

楣案此方徐×

紫菀茸湯

紫菀茸湯參犀角。冬花桑葉草半夏。杏仁百合與阿膠。貝母蒲黃薑共下。

治膏梁厚味。或煎炒法酒。飲食過度。致傷肺氣。咳嗽咽乾。吐痰唾血。喘急脇痛。

不得安臥。

紫菀茸

犀角

炙甘草

人參各五

桑葉霜用經者

款冬花

百合

杏仁

阿膠

貝母

半夏

蒲黃七各



水二鍾。薑三片。煎八分。入犀角末。食後服。

徐曰。咳血多而傷肺者。此方為宜。血症中亦可採用。

梔案紫菀茸。桑葉。款冬花。蒲黃。徐圜。

### 排膿散

排膿散內用黃耆。白芷。人參。五味。宜。每服三錢。蜜調下。肺癰痰氣效神奇。

治肺癰已吐膿後。宜服此排膿穢。補肺氣。

黃耆

白芷

五味子

人

參各等分

右為細末。每服三錢。食後蜜湯調服。

徐曰太斂。

### 知母茯苓湯

知母。茯苓。湯。桔。芩。薄荷。五味。草。人參。柴。半。冬。花。芎。白。朮。阿膠。麥冬。補肺經。

治肺痿喘嗽。咳吐痰涎。或自汗盜汗。往來寒熱。

茯苓

黃芩各一錢

知母

甘草

桔梗

薄荷

人參

五味子

柴胡 半夏 川芎 款冬花

白朮 阿膠 麥冬各六分

水二鍾。薑三片。煎八分。加童便一杯。食後溫服。

徐曰。太雜不成方。

滌痰湯

滌痰湯內二陳先。麥冬。枳實。膽星。煎。人參。桔梗。與黃連。竹茹。加上病安痊。治心火剋肺金。久而不愈。傳為肺痿。咽嗑雌啞。胸膈痞悶。嘔吐痰涎。喘急難臥者。

陳皮 半夏 茯苓 甘草

麥冬 膽星 枳實 黃連

人參 桔梗各五分 竹茹一錢

水二鍾。煎八分。食後服。

寧肺丸

寧肺丸中二般藥。為梅栗殼去筋膜。每服二錢。功最效。肺癰肺痰同堪嚼。

日久嗽咯吐膿血。胸膈不利。咳嗽痰盛。坐臥不安。言語不出。甚則聲音雌啞者。  
烏梅蜜拌蒸取肉  
八錢搗膏

徐曰。此等方非試過不得輕用。

鷲粟殼去膜蜜拌炒  
末一兩

### 清金二母湯

清金二母湯。芩桔。知骨蘇。柴朮。杏苓。瓜桑。五味。陳皮。麥。甘草。當歸。效共呈。  
治肺痿多嗽少痰。午後發熱。口乾煩躁不寧者。

知母 貝母 桔梗 茯苓

當歸 白朮 陳皮各一 桑皮

紫蘇 杏仁 柴胡 瓜蒌仁

黃芩 五味子 甘草 麥冬各五分

水二鍾。煎八分。入童便一杯。食後服。

徐曰。太雜。

### 梔子仁湯

梔子仁湯。大青葉。石膏。淡豉。共黃芩。杏仁。知母。赤芍藥。升麻。柴胡。甘草。行。

治肺痿發熱潮熱。或發狂亂。煩躁面赤咽痛者。

梔子仁

赤芍

大青葉

知母

各七

黃芩

石膏

杏仁

升麻

各一錢

柴胡

六分

甘草

五分

淡豆豉百粒

水二鍾。煎八分。食遠服。

徐曰。此大寒之劑。必見熱毒症。乃可酌用。

加味理中湯

加味理中湯。半夏。茯苓。白朮。共陳皮。乾薑。細辛。併甘草。人參。五味。效同。催。

治脾胃俱虛。咳嗽聲重。發熱不已。及兼脈浮數而無力者。

炙甘草

半夏

茯苓

乾薑

炮

白朮

陳皮

細辛

五味子

人參

各五分

水二鍾。煎八分。食遠服。

徐曰。此等方。非治肺癰。乃治患肺癰之時。另見純寒欲脫之症耳。

金鯉湯

金鯉湯方破魚腹。惟將貝母糝之宜。再加童便重湯頓。服盡此魚病可醫。治肺癰已成未成。胸中隱痛。咯吐膿血者。

金色活鯉魚一尾約四兩重

貝母一錢

先將鯉魚連鱗剖去肚腸。勿經水氣。用貝母細末糝在魚腹內。線紮之。用上白童子小便半大碗。將魚浸童便內。重湯頓煮。魚眼突出為度。少頃取起。去鱗骨。取淨魚肉。浸入童便內。頓熱。肉與童便作二三次。一日食盡。其功效甚捷。徐曰。此單方也。

葶藶散

葶藶散中薏苡仁。甘草桑皮同葛根。瓜萇升麻桔梗等。肺癰服下可回春。治過食炙煇。或飲酒過度。致肺熱氣壅。喘急不臥。及肺癰濁吐腥臭。胸膈脹滿不食者。

桔梗

瓜萇仁

升麻

米仁

桑皮

炙甘草五分

甜葶藶八分

徐曰。此清肺之方。亦不治肺癰。

### 腎氣丸

腎氣丸中澤瀉蒸。茱萸山藥白雲苓。丹皮熟地同春爛。丸服忻然心腎寧。

治腎氣素虛。不交於心。津液不降。敗濁為痰。致生欬逆。

乾山藥 四兩

山茱萸 去核四兩

澤瀉 蒸

牡丹皮 白者佳

白茯苓 各三兩

熟地

用生者八兩酒拌  
地砂器蒸半日搗膏

右為末。地黃煮爛杵膏。蜜丸如桐子大。每服七八十丸。空心用滾湯或鹽湯溫酒送下。

徐曰。有附、桂者。名腎氣丸。此名六味地黃丸。

又曰。此緩治之法。亦不甚切。

楣案全生集治肺疽法。似較有把握。大略謂此症吐膿多白。當稱肺疽。初起有兩脚骨疼痛者。或脚骨不痛。而舌下生如細豆一粒者。再心口之上微痛。咳嗽口乾咽燥。此皆肺中生毒之兆。即用生甘草、桔梗各三錢煎服。如覺稍安。肺疽無疑。投以犀黃丸。十服可全愈。此是預識預治。百無一死之法。世人

但見脚痛。便去醫脚。見嗽醫嗽。舌生細粒。便用刀刺。凡肺毒輕者。粒色必淡。毒愈亦消。重者色必紫黑。刀刺立危。惟犀黃丸治無不效。貧人無力服犀黃丸。以陳年醃芥菜滷。每晨取半杯。用滾豆腐漿和服。服後胸中定有一塊塞。上塞下塞至數次。方能連吐惡膿。日服至愈乃止。凡患此症者。終身戒食鴨蛋、白鯊、紅蘿蔔、石首魚、著甲魚。食則復發難生。服醃芥菜滷法亦見他書乃古方也

### 肺癰應用方

金液戊土丹 見脫疽門

徐曰。千金葦莖湯爲肺癰主方。此反遺之。何也。今附錄於後。

### 千金葦莖湯

治欬有微熱。煩滿。胸中甲錯。此六字徐圜是爲肺癰。

葦 莖二升 薏苡仁 半升 桃 仁 五十枚

瓜 瓣 半升

右四味。以水一斗。先煮葦莖得五升。去渣。納諸藥。煮取二升。服一升。再服。當吐如膿。

外科正宗 卷六 肺癰主治方



